

**GRATIS**

**AWE**  
**Mainta**  
*e corant di Toko*

## SUSESO



PAG 32

Landronan gara!

PAG 16



Choller a pleita cu su pareha choller

# POLIS TIN MAN YEN CU SUSESO



PAG 32

**PROME MINISTER MIKE  
EMAN MESTER PIDI  
CLARIFICACION PA SA  
KENDE T'E AMBTENAARNAN  
CU A FIRMA**

**GREEN CONFERENCE  
Y TRADE FAIR  
UN EXITO**

## INTERNACIONAL



PAG 14

Chávez ta bishita Fidel na  
Venezuela



PAG 12

Dia Internacional di Bestia

## DEPORTE



PAG 21

Best of the best 2010

**"RENT A TENT"**  
CUMANA PABAO CODEMSA



WE RENT SELL TENTS  
Finance-Credit Possible  
WE SELL P.V.C. Vinyls for  
Tents-Toldos-Gazebos-Parasols-S. Pools

WE SELL TARPS FOR CAR-TENTS  
The Best Quality

WE RENEW ALL TENTS - CARPS -  
PARASOLS

CALL: 563-6122  
CALL: 582-6541

**ADICTO REHABILITA  
A BAY CU AUTO DI  
E FUNDACION  
PA COMUNIDAD**



## Adicto rehabilita sin rijbewijs a bay cu auto di e Fundacion pa Comunidad

**DIADOMING** madruga durante patruya un unidad ta nota un pick-up Avalanche ta core irresponsable zig zag riba caminda den de La Sallestraat mesora nan ta sende nan alarma y bay tras su tras pa alerta y evita e causa daño na otro, pero e chofer no a worry y a sigui bay noord den Kamerlingh Onnestraat, yegando e rotonde e chofer ta subi e rotonde baha esaki bek y bay direccion Paradera. Na e rotonde Paradera eynan e chofer a pasa na e banda robez y a hera dal frontal riba un auto cu a brake net na tempo, despues e vehiculo a drenta Nuñe unda eynan ela dal un steun di palo di lus kibra esaki mande riba un cura di cas y despues a bira rond manda e vehiculo riba e auto di polis y aki e chofer a perde control riba e santo cu tabata riba e caminda y a bay dal riba muraya di un otro cas. E chofer a core sali huy na pia pero a keda un otro ocupante den e auto cual ta un muher cu tabata cu e chofer despues di cu esaki a buske na Ponton. Despues a laga e muher aki bay mientras a drenta informacion cu e chofer ta na e cas di e chick eybanda mes. Polis a bay detene anto eynan na e cas polis a haya poco droga tambe y a confisca esakinan



Prome di reuni cu TOPA y SCCA

## Prome Minister Mike Eman mester pidi clarificacion pa sa kende t'e ambtenaarnan cu a firma

**INFORMACION** cu ta drenta constantemente na nos mesa di redaccion ta indica cu e 1200 firma cu Rene Bernabela, Presidente di TOPA ta considera como sosten pa accion di TOPA y di SCCA, no ta tur ta di empleadonan publico.

Pesey a yega momento pa Prome Minister Mike Eman, demanda pa sa cuanto di e 1200 firmanan aki, ta di empleado publico, miembro di TOPA y eventualmente di SCCA tambe.

Maske cu Rene Bernabela ta declara cu tin mas miem-

bro di otro sindicatonan cu tambe a firma.

Informacion cu ta yega na nos mesa di redaccion ta bisa, cu di e 1200 firmanan ey, ta 50 so ta di empleado publico. Pesey ta ser bisa, cu prome cu Prome Minister mr. Mike Eman otorga TOPA y SCCA un reunion cu nan a bin ta demanda te cu a pone un ultimatum te cu awe mey anochi, a yega e momento pa Gobierno haya sa, kende t'e 1200 empleadonan publico aki.

No ta cuestion pa tuma represaya contra nan, pero papiando di transparencia, Gobierno tin derecho di sa ta cua t'e empleadonan publico cu no ta contento. Pasobra pa loke ta sindicato SCCA, for di nan propio miembronan ta ser bisa, cu e sindicato aki tin solamente 2 miembro, y nan mes ta formando parti di directiva di SCCA, pero mayoria mes no ta sostene SCCA. Pesey momento a yega, pa demanda claridad di ambos sindicato, pa determina ta pa kende nan ta papia di berdad.



Papiando di corta vet

## AZV ta paga huur pa 2 edificio, Afls. 91.550,= y awor lo muda pa paga Afls. 20.675,= menos



AINDA por tende declaracion di ex Minister drs. Booshi Wever, dirigiendo su mes na dirigencia di Dr. Horacio E. Oduber Hospital, alegando cu nan mester cuminsa "corta vet" pa loke nan ta cobra na servicio duna na AZV. Pero segun tempo ta bay pasando y cu awor, entre otro sindicato TOPA ta denuncia cu AZV ta haci ganashi di 9 miyon florin, unda nan tin 80 hende den servicio, cu ta motibo cu AZV no mester

aumenta prima p'e pensioenadonan, cu ya a bin ta paga 100% di e prima, siendo cu nan no tin dunador di trabao.

Den fin di siman, durante un recorrido cu nos a haci, a bin haya nos mes cu un edificio masha bunita den Rumbastraat, cu nos a ser bisa, di ta propiedad di Boogaard Assurantie, pero cu a ser construi pa huur, y ainda prome cu e ta cla, a compromete nan mes cu AZV.

AWEMainta a sigui busca informacion, ta cuanto e huur lo por ta anto? Nos no a haya sa, pero tur loke nos a haya como reaccion tabata, cu compara cu e huur cu ta ser paga actualmente na e.o. APFA, sigur e huur nobo ta un ahoro di un 21 mil florin pa luna.

Si t'asina mes, pasobra de facto AZV lo bay spaar, unabes cu nan muda for di nan dos oficinanan, esta for di esun na Frankrijkstraat y esun na Seroe Blanco, AZV lo spaar sigur e suma di Afls. 20.675,= pa ser exacto di loke AZV ta pagando te aworaki. Averiguando ta kico AZV ta pagando anto, nos a tende un cifra cu nos no por kere: Afls. 91.550,= pa luna.

E ora ey ta surgi e pregunta, ta kende mester a corta vet anto? Y tur esaki a tuma lugar den periodo cu MEP tabata na mando. Y si nos tuma na cuenta cu awor ta ser bisa, cu e edificio nobo cu AZV ta bay aden na Camacuri, lo ta un besparing di Afls. 20.675,=, nifica cu e huur cu AZV ta bay paga lo ta awor, Afl. 70.875,= pa luna. Cu na nos opinion tambe ta un huur basta halto.

Bo ta puntra bo mes, si no tin edificio di Gobierno, unda por acomoda AZV? Of manera cu a ser bisa den pasado, nan no por a unifica dos servicio, referiendo na AZV y SVb, bao di un solo dak den oficina di SVb na Eagle? No, pasobra nos a ser bisa cu pa SVb mes, e edificio na Eagle a

bira chiquito, pa cual mester a huur oficina na Vondellaan.

Awe tur hende por conclui, cu e negoshi di real-estate ta uno masha atractivo. Ban construi edificio y huur nan cu Gobierno y su departamentonan. Pasobra aki tin placa, pero aki ta unda mester corda vet di berdad.

AWEMainta por a compronde cu e siman aki, muy probablemente AZV lo convoca un conferencia di prensa, pa anuncia cu nan ta bay muda pa Camacuri y consecuentemente nan no por duna servicio na Frankrijkstraat y menos ainda na Seroe Blanco n'e edificio di APFA. Di berdad, ainda mester introduci un aumento di 2% riba AZV?

## Gasolin di Leboys a caba cu 3 piscador abordo

DIABIERNE anochi, tabata un SOS, pa un boto piscador di Aruba, "Leboys" cu su gasolin a caba cune, y a keda drief te drenta awa teritorial di Venezuela. E peticion pa yudanza a ser capta, pa Guardacosta di Aruba y Antiyas, pero tambe pa Rescue Center na Corsow y pa APA na Aruba.

Ora cu a pidi pa su localisacion, tabata via di radar di Rescue Center di Corsow, por a detecta unda Leboys ta localisa, y como tabata den awa teritorial di Venezuela, Guardacosta no por a bay.

Asina su propio compañeronan piscado, a sali cu boto cu gasolin for di Zeerover pa yuda Leboys. Mientras cu for di APA, tabatin contacto cu e yate di Tito Lopez, cu a sali for di Venezuela pa Aruba y a keda di tira un bista. Esnan cu por a sigui e rescate aki, por a sigui tambe e bon co-



laboracion cu tabatin cu APA y Rescue Center na Corsow. Hasta nan ta teme cu despues di 10-10-10, cu esaki lo no por t'asina mas, loke nos no por compronde pakico no.

E boto cu a sali for di Zeerover a logra yega y asina abstece Leboys cu gasolin, p'asina riba propio forza por a bolbe Aruba, compaña p'e rumannan piscador cu a bay brinda auxilio. Algo masha pret, si no por yama asina a sosode, ora cu Tito Lopez

cu su yate, cu luznan masha grandi ta lusa e laman, enbusca di Leboys, sin por localis'e. Pero di otro banda e piscadornan di Leboys, hunto cu e compañeronan cu a bay duna auxilio, a dicide di pone mas forza riba nan motor, pasobra nan a kere cu ta Guardacosta Venezolano ta nan tras, y tur hende sa, si Guardacosta Venezolano haya un boto piscador di Aruba den su awanan, nan ta keda deteni y encarcela, pasobra a viola nan awa teritorial, loke nan no kier.



Asina e dos boto piscadornan a pone "speed", y a bay laga yate di Tito Lopez, kende ta bo bisa APA, cu e no ta mira nada su dilanti y kier sa mas detayes, di localisacion di Leboys, pa brinda e yudanza. APA a bisa cu Leboys

ta su dilanti, y cu ya a haya gasolin y ta di regreso pa Aruba, unda algun ora mas despues, a logra mara sano y salvo na Zeerover, cu tur 3 piscador abordo. Nos di AWEMainta tabatey, ora di nan yegada, manera e potret ta mustura.

# Green Conference y Trade Fair un exito rotundo

E Conferencia riba Energia Alternativa y e Trade Fair cu a wordo teni siman pasa a resulta un exito masha grandi mes. Mas di 300 hende for di 15 diferente pais a participa.

E discurso di Al Gore riba diarazon anochi a atrae mas di 600 hende den Convention Center y 350 estudiante den Crystal Theatre. E Trade Fair mes a haya riba 5 mil bishitante.

“Our future with green energy” a pone “energia berde” bao atencion di e comunidad aki y a pone Aruba henter riba mapa internacionalmente. E anfitrión di e conferencia Minister ing. Mike de Meza: “E conferencia ta un exito grandísimo. Tabatin participacion di 15 pais. Tur e oradornan ta personanan di calidad halto cu e punto culminante e discurso di Al Gore riba diarazon anochi. E temanan di e presentacion ta exactamente cuestionnan crucial cu cua e mundo di energia ta atendiendo cu nan.

E punto mas importante pa mi mes t’e Science Fair di nos studiantenan. E ingeniosidad di cua e teamnan di estudiante den diferente categoria di edad a pensa y a ehecuta nan proyectonan tabata simplemente asombroso.

Esaki ta priminti hopi pa futuro. Un compliment n’e team organisador bao guia di Stijn Janssen”. E calidad di e conferencia a wordo reconoce pa expertonan presente. Ir. Gilbert Gouverneur, kende tabata un di e oradornan di diahuebs: “Den tur e añanan cu mi ta bishita eventonan similar den nos region, mi no a experiencia un conferencia di un nivel di un calidad asina halto manera esaki. E organizacion ta tremendamente bon.”

Director di e conferencia Stijn Janssen tambe ta un homber satisfecho. “Apesar di e hecho cu nos a cuminsa relativamente lat cu e preparacionnan, asina mes nos a yena e salanan. Nos tabatin participante di 15 pais.



Diarazon nos tabata completamente “sold out” p’e presentacion di prof. dr. Wubbo Ockels y di Vice Presidente Al Gore. Ademas di un sala yen nos tabatin un link directo cu Crystal Theatre na unda mas di 350 estudiante por a sigui e discurso di Al Gore live.

Janssen ta masha satisfecho tambe cu e Trade Fair.

“N’e Trade Fair nos a haya riba 5 mil bishitante. Mi ta di nan tabata mucha bao di 15 aña cu a drenta pornada. Si e awa no a yobe riba diadomingo nos por a haya mas bishitante ainda.”

Remarcabel t’e grupo grandi di sponsor cu a duna nan apoyo n’e evento aki. Stijn Janssen: “Sin e sosten di e sponsornan nos lo no tabata por a haci un evento di e magnitud aki. Mi gradicimento

ta bay specialmente pa srs. Frank Hoevertsz, Director di Utilities Aruba, Oslin Boekhoudt di WEB NV, Robert Henriquez di ELMAR NV p’e confiansa cu nan a duna nos y e sabiduria cu cua nan a sostene nos.

Nan tabata e promenan cu a kere den nos evento y nan ayudo financiero a pone e base solido pa henter e evento.

Tambe un compliment grandi p’e team cu a percura p’e evento. Nan ta hendenan dinamico cu e demostra cu nan por traha bao presion y cu nan por trata cu retonan grandi.”

E Conferencia y e Trade Fair por conta tambe cu e sosten completo y entusiasmo di Prome Minister Eman.

“Energia alternativa ta un di e

enfokenan di nos Gobierno. E evento aki a pone e tema aki tanto local como internacional prominentemente riba agenda. Cu esaki tur meta di antemano a wordo logra. Esaki ta haci mi masha orguyoso mes.

Pero, cos no mester keda te aki. Hunto cu un grupo di partnernan internacionalmente renombra nos ta bay habri un Centro di Investigacion riba energia alternativa aki na Aruba. Y como Gobierno nos a tuma un cantidad grandi di decision pa acelera e introduccion di tecnologia riba energia sostenibel na Aruba.

Awor nos mester bay over na ehecutacion tambe. Pero, mirando e gran entusiasmo cu mi a topa cu n’e ultimo dianan riba e tema aki, mi tin tur confiansa den esey.”

AVP ta mustra

## Placa gasta pa busca alternativanan pa alivia gastonan di pueblo nunca ta di mas

Momento a yega pa MEP cambia su mentalidad

**ARUBA** a fiha un posicion den e lucha di mundo henter pa energia alternativa y e conferencia di siman pasa riba “Green Energy” a bolbe confirma cu e pueblo di e isla chikito aki den Caribe, por eleva su mes riba mesun nivel cu cualkier otro continente grandi rond mundo.

Na momento cu e partido opositor trata di rebaha e balor di e conferencia aki cu argumentonan fofo y sin sentido, criticanan irealistico y sin base, e ta confirma cu partido MEP lo keda un partido cu lo carga un vision represivo, un vision destructivo cu nunca ta mira progreso di su pueblo na prome lugar.

Insinuando cu bishita di ex Vice Presidente di Merca, Al Gore lo a costa hopi placa, ta muestra cla cu partido MEP no kier conforma su mes, cu loke Gabinete Mike Eman a bin ta haciendo den asina corto tempo, Gabinete Oduber no a logra den 8 aña di gobernacion. Discusionnan riba energia alternativa ta algo importante, ta un necesidad pa bienestar di nos pueblo, y na momento cu partido MEP negligia e balor di algo asina, e ta mustra bon cla cu e

partido di Nel Oduber no tin e pueblo di Aruba na pecho. Loke Gobierno di AVP a bin ta mustrando bon cla den su prome aña di gobernacion, ta cu e ta buscando alternativanan real y adecuado pa sirbi interes di nos pueblo y ta confirmando cu ora c’un Gobierno ta di bon voluntad, ora cu tin iniciativanan sincero y corecto, ta posibel pa sirbi pueblo manera e mandato di pueblo ta exige.

P’e ultimo 9 añanan partido MEP no a duna un aporte na desaroyo di pais Aruba, ni su 8 añanan den Gobierno y tampoco e ultimo aña den baki di oposicion, ya cu e vision geel di e partido aki, ta di destruccion, di incapacidad y un falta di voluntad pa sirbi e pueblo cu a duna e partido di Nel Oduber, dos termino den gobernacion.

Pa usa palabranan di e invitado principal di e conferencia di Green Energy, esta ex Vice Presidente di Merica, sr Al Gore, ta bisa tur cos di loke MEP nunca por a logra di haci, ora cu el a bisa: “Danki Dios cu aki na Aruba, boso ta reuniendo instancianan comercial y civil, gruponan politico y universitario, pa tuma e iniciativa di bira lider

den e region aki pa atende cu energia alternativo.”

Aruba ta un pais grandi, di hendenan grandi y ta yega e momento cu partido MEP, como partido di Nel Oduber, realisa cu nan tin cu sirbi interes di pueblo, traha p’e pueblo di Aruba y no ta gruponan liga n’e partido.

Partido MEP tin cu inicia un etapa nobo den su historia y realisa cu e mentalidad destructivo y di acoso continuo contra propio yiunan di tera, tin cu caba y habri caminda pa un politica progresivo y constructivo.

Ta bon pa usa un dicho mundialmente popular cu a ser expresa pa un Presidente Mericano, esta sr. John F. Kennedy, kende a yega di bisa: “No mira kico bo pais por haci pabo, pero mira kico abo por haci pa bo pais.”

Pa partido MEP e momento a yega pa nan realisa cu nan tin cu haci algo pa nan pais, p’e pueblo di Aruba, y converti nan mes den ehempel positivo di progreso manera partido AVP a bin ta haciendo, na bienestar y felicidad di e pueblo di Aruba.



Rene Herdé

# Dialogo social a crea seguridad solido nobo pa tur trahado y tur sector

TIN hopi forma pa wak e importancia di e DIALOGO SOCIAL. Un di e aspectonan masha importante ta cu e gremionan y gobierno a didici hunto pa atende un cantidad di problema y asunto cu ta toca nos tur. Y hunto nan a didici di tuma accion pa fortifica nos pais. Aki no ta un partido of gobierno a impone desicionnan riba e resto. Pero hunto e lider di trahadornan, doñonan di trabou y di gobierno, cu di un forma of otro ta representa nos tur na Aruba, a pone Aruba dilanti y a tuma desicionnan cu ta importante pa nos tur riba e pais aki. E resultado di esaki ta cu awor y den futuro nos pais lo ta mas fuerte y mas uni.

Nos a haya un forma responsabel pa atende nos asuntonan. No den discucion y pleito cu otro, pero den un forma responsabel, nos a haya forma pa sinta scucha otro y tuma desicion. Esaki so caba ta un adelanto grandi pa nos pais!! Ela haci nos mas fuerte!

Mas bunita ta ora nos wak kico e DIALOGO SOCIAL a duna na resultado pa nos tur, nos ta wak cu henter pueblo, tur hende, den tur sector ta bai dilanti. Esaki atrobe ta nifica, cu e resultadonan no ta bon pa un y malo pa otro. Al contrario: e resultadonan ta bon pa tur! Y hasta caminda e ta nifica dolor pa algun hende, manera den caso di e pensioen pa un parti di e trahadornan di gobierno, e ta duna nan seguridad riba plaso mas largo. Concretamente e trahadornan di gobierno tin mas seguridad pa nan pensioen. Nan pensioen ta keda segura den futuro tambe. Si no a trece cambio, aki algun aña e trahadornan aki lo por a keda sin nada! Nan a gana seguridad y estabilidad di nan entrada di pensioen pa futuro!!!!

Un di e otro resultadonan importante di e DIALOGO SOCIAL ta cu trahadornan cu ta traha den sector priva, den tienda y hotelnan, den restaurant y den construccion, den companianan grandi y chikito, tur por conta cu un PENSIUN GENERAL ora nan bai cu pensioen. Awor aki 70% di trahadornan no tin ningun otro entrada ora nan baha cu pensioen cu loke nan ta haya di pensioen di behez. Esey so ta nan entrada. Trahadorna di gobierno si ta conta cu un pensioen di empleadonan publico y ariba dje e pensioen di behez (AOV). Den futuro e trahador den tienda y den garashi, hotel y restaurant, tambe lo tin un pensioen priva y door di esey no tin cu depende di e pensioen di behez so. Nan lo tin un miho entrada ora nan bai cu pensioen. Esaki ta otro resultado di e DIALOGO SOCIAL cu a trece progreso pa tur hende!



## EMOCION

DI CORE UN AUTO NOBO NUNCA TA CABA  
ORA BO TA CORE UN

# CHEVROLET



**AVEO 2011**  
**COMODO Y DINAMICO**



**5.5\***

Interes efectivo 10.7% APR

**CUMINSANDO NA**

**AFL. 601**

PA LUNA

SIN DOWNPAYMENT Y PAGO DEN 5 AÑA

**SI BO TA INTERESA DEN CUMPRAR UN AUTO NOBO, PASA BISHITA NOS NA STERN  
Y NOS LOS MUESTRA BO E LIÑA AMPLIO CU CHEVROLET TA OFRECE!  
BINI, BAN PAPIA!**



Tanki Leendert 122 • Tel: 582-3838

**ASK FOR HASSLE FREE LEASE OPTIONS VIA HERTZ LEASE!**



Parlamentario Melvin Tromp

## Dialogo social ta muestra di un gobierno responsabel y serio

Gabinete Mike Eman 1 cumpliendo cu e demanda di e pueblo



**PARLAMENTARIO** Melvin Tromp ta bisa cu pueblo a duna confianza na partido cu a haya sosten di 12 asiento caminda cu e pueblo aki tin e pleno confi-

anza cu den man di e gobierno aki di partido AVP pueblo lo haya locual cu e pueblo aki desea enbista cu den pasado Aruba a conoce un dseaster ariba tur tereno y AVP como un partido serio sa di hiba e diferencia pa locual cu ta gobernacion compara cu locual cu Aruba tabata tin den e ultimo ocho añanan.

No obstante di nos situacion critico caminda cu nos tur cu ta comparti e pais aki sa cu nos situacion financiero ta den un situacion di crisis pero abase di seriedad y un compromiso serio cu pueblo ya caba na e momento aki gabinete Mike Eman a sa di tuma decisionan grandi cu ta resalta como un ayudo na e pueblo aki pa loke

ta e problemanan ariba e tereno social cu mas bien ta sirbiendo como un alivio pa cu e pueblo aki en general y lo sa di sigui duna atencion serio pa un mehoranza pa loke ta nos pais.

Segun Parlamentario Tromp gobierno actual den contacto cu e trahadornan publico a sinti e preocupacion cu ta biba den e clase trahador publico y mesora a sinti pa e bin cu un regeling nobo caminda cu empleadonan publico lo bay haya un aumento y seguridad di indexering y sin cu mester bay den accion cu un biaha mas ta duna muestra di e clase di gobierno cu Aruba tin cu ta yuda contribui na e solucion pa e trahadornan publico y tambe

pa loke ta e voorjaarspremie cu ta bay ta suma na Afl.1000.=

Pensionadonan publico tambe lo bay haya un aumento di Afl. 105.= pa luna completo y mas ainda tur esnan cu ta haya e wijziging van pensioen lo sa di beneficia di esaki y mas ainda lo haya un suma di Afl 600 pa aña otro muestra cu e gobierno aki tin un compromiso cu e pueblo aki en general y mas ainda e trahadornan cu awe ta disfrutando di nan pensiu algo cu bao di e gobierno di MEP esakinan no tabata posibel pero castigonan di tur e medidanan si tabata prioridad pa e gobierno di MEP implementa contra e pueblo aki.

Hunto cu e reduccion di e BBO

di 3% pa 15% cu e gobierno di MEP a implementa contra di e pueblo aki, E gabinete aki esta di Mike Eman 1 a percura pa den un forma relampago bin cu un recuperacion di poder di compra cu e aumento di 25% di menos recurso y un kindertoeslag ya na e inicio di 2010 mustrand asina pa bin cu un sosten financiero pa esnan cu no por carga e situacion desastrozo cu e gobierno anterior a laga atras sin cu a tene cuenta cu lo tabata e consequncianan financiero y awe ta e mesun henden aki kier instrui cierto sindicalista kiko mester worde haci algo inacceptable pa e pueblo aki muy en particular si e hendenan aki a ser cori pa e desaster cu nan a comete contra di e pueblo aki.

Minister Mike de Meza

## Mester haya un alternativa cu ta sostenibel, confiabel, adecuado, mas barata y limpi



**HITESS N.V.**  
Arendstraat 124  
Tel : +297 - 588-5966  
Fax : +297 - 588-5895  
Email : info@hiteess.com

**BFT Super Special**

For Sliding Gates

**DEIMOS Kit**

- 1 BFT DEIMOS motor
- 2 Remote Control
- 1 pair di Photocells
- 1 Blinker cu Antenna
- 4 Plastic rack di 1m




Just Arrived

AFL. 1015.00

BBO Included



Installacion no ta inclui.

Nos horario: Dialuna- Diabierna 8:00 am - 5:30 pm  
Diasabra di 8:00 am - 12:00 pm

Jama nos na 588-5966



MINISTER Mike de Meza den su discurso durante di e conferencia di Green Energy, a muestra cu durante di e siman aki, a papia hopi riba futuro di 'green energy' y caminda a inicia cu accionnan decisivo aki na Aruba pa yega na un energia confiabel. "Tur hende, henter mundo ta uscando un alternativa mas aceptabel, mas confiabel, mas adecuado y barata pero na mes momento mas limpi tambe," de Meza a muestra. El a sigui elabora riba e situacion cu tin aki na Aruba,

caminda nos ta depende hopi di productonan petrolero y cu e necesidadnan mas grandi, ta rekere uso di petroleo cu a conoce cambionan drastico den ultimo añanan. Minister de Meza a sigui muestra cu na Aruba tanto e conversion di awa di laman den awa pa bebe, den produccion di electricidad, den transporte riba nos isla y hasta uso di gas pa cushina, ta depende grandemente di e petroleo y otro energianan cu tin cu wordo importa. E problema mas grandi pa Aruba den ultimo añanan, ta sin duda algun e desaroyonan den e mundo petrolero caminda e prijs halto di petroleo a bin ta afectando tur desaroyo di nos pais. Pa colmo tur cos ta indica segun Minister de Meza, cu ta anticipando cu prijs di productonan petrolero lo sigui subi na mediano y largo plazo, y cu lo afecta sin duda algun e desaroyo di nos pais. El a duna un comparacion con den ultimo aña prijs di productonan petrolero a conoce aumen-

tonan grandi di mas cu 300% y a alcanza nivelnan sin igual den historia. E necesidad pa yega na alternativanan concreto, sostenibel y confiabel, ta mas grandi cu nunca y ta loke Aruba kier forma parti di dje, esta di ta parti di e solucion necesario aki, no solamente pa Aruba pero pa mundo henter. Ta bon conoci e crisisnan di ultimo añanan causa pa uso di petroleo na medio ambiente, cu a bolbe fortifica e necesidad pa yega na un tipo di energia cu ta mas limpi, cu menos peliger pa nos atmosfera y cu ta pagabel pa tur hende. Minister de Meza a elogia tur cu a participa den e conferencia di Green Energy di ultimo dianan, caminda ideanan a ser presenta y discuti pa di e forma aki yega na alternativanan concreto cu lo siribi interes di henter mundo. Un iniciativa cu Gobierno di Aruba a asumi pa carga y cu sin duda algun lo ta inicio di un desaroyo sumamente importante tanto pa Aruba como paisnan den nos region.



# INTRODUCING THE FIRST OF MANY AMERICAN LEGENDS.

ORDER NOW



## PHILLY CHEESE STEAK PIZZA

Domino's Pizza inspired and specialty Philly Steak Pizza is filled with tender slices of steak, onions, green peppers and mushrooms with provolone and American cheeses on a provolone crust.

Promotion is valid only for the Hand-Tossed crust. Not valid in conjunction with other promotions.  
The price does not include delivery charges. This promotion is valid while supplies last.



**CALL  
NOW!**

**Palm Beach**

**586 0333**

**Playa/ Tanki Leendert**

**582 0333**

**Savaneta**

**584 0444**

**GET THE DOOR. IT'S DOMINO'S®**



## Rene Herdé riba resultado di dialogo social: “Pensioen general pa tur trahador den sector priva”

UN di e metanan nacional di Aruba, ta pa crea mas husticia social. Pa no tin diferencianan grandi y inhusto entre trahadornan y nan famia. Nos kier pa nos tur hende aki na Aruba por tin un nivel di bida husto. Pa nos tur

por conta riba un trabou cu un pago husto; scol pa nos jiunan, cuidio medico ora nos bira malo, cuidio y entrada sigur ora nos bira grandi y seguridad igual unda cu nos ta aki na Aruba. Na Aruba nos ta haya cu no por tin mucho dife-


rencia den esaki. Pero te cu awor tabata tin diferencianan grandi. Entre otro entre trahadornan di gobierno y di sector priva. Un di e diferencianan grandi aki ta cu trahadornan di gobierno ta sigur cu ora nan bai cu pensioen, nan ta

haya un pensioen di 70% di nan salario. Esaki ta un entrada basta bon. Y un trahador di gobierno por a bai cu pensioen ya ora e tin 55 aña. Y e ta sigui haya e pensioen di gobierno pa resto di su bida. Esaki ta bon. Pakico

no pa tur trahador na Aruba? Trahadornan den sector priva, den hotel y restaurantnan, den tienda y banconan, den oficina y den garashi, no tin un pensioen asina. Esaki no ta husto. Ora e trahadornan den sector priva bai cu pensioen nan por conta solamente riba e pensioen di biehez (AOV) cu ta hopi menos. Tin trahador cu ta bai atras masha hopi mes, pasobra nan no tin un otro entrada ora nan baha cu pensioen. Y durante di tur nan añanan di trabou nan no ta haya un chens pa spaar pa un miho pensioen banda di e pensioen di behez. Nan tambe lo kier un pensioen manera e trahadornan di gobierno. Nos ta haya esaki mas cu husto, cu tur trahador, unda cu nan por ta traha, tin un entrada mas husto ora nan baha cu pensioen. Y pakico no? Alfin ta cu e placa di belasting di e trahadornan di sector priva e trahadornan di gobierno ta haya nan pensioen. Pakico anto no un pensioen pa nan mes. Pa tur e trahadornan di hotel y restaurant, pacus y banco, tienda, oficina y garashi?

Un di e resultadonan di e DIALOGO SOCIAL ta cu den futuro sercano, tur trahador na Aruba, unda cu nan traha, lo tin derecho di haya un pensioen banda di e pensioen di behez, ora nan baha cu pensioen. Ya no lo ta un privilegio di trahadornan di gobierno so. Pero pa tur trahador, unda cu nan por traha. Y no ta kita nada di e trahadornan di gobierno pa duna e trahadornan di sector priva. No! E pensamento ta cu no ta husto pa e seis mil trahadornan di gobierno tin un pensioen bunita y sigur, y e 42 mil trahadornan di sector priva tin nada. Den DIALOGO SOCIAL a dicidi cu entrante 2012 ta cuminsa crea e pensioen pa trahadornan di sector priva, pa asina nan tur tin un miho entrada ora nan baha cu pensioen. Esaki ta crea mas husticia pa tur trahador y nan famia. E ta crea mas seguridad social y ta haci nan mas independiente den nan entrada ora nan bira grandi. Cu e creacion di e pensioen general aki pa tur trahador, bida ta bira mas husto pa tur. Esaki ta otro resultado concreto di e DIALOGO SOCIAL!

# Pabien na nos grandinan cu nan dia



*CMB ta honra y  
duna atencion special na tur penshonado di Aruba.*

Dialuna awor 3 di oktober, dia di paga pensioen, tur sucursal di CMB lo tin un dia dedicá na nos penshonadonan asina demostrando nos aprecio pa e clientenan special aki.

# CMB

CARIBBEAN MERCANTILE BANK N.V.

**Masha danki pa boso trabao y  
contribucion na nos Pais.**

Main Branch Tel: 582-3118 • San Nicolas Branch Tel: 584-6804 • Boulevard Branch Tel: 582-5528 • Noord Branch Tel: 586-0200 • Santa Cruz Branch Tel: 585-3777 • Airport Branch Tel: 582-3274 • Playa Linda Branch Tel: 586-0011

www.cmbnv.com



# SPA y Gobierno a acorda di busca solucion p'e diferencianan cu tin

DIABIERNE atardi, dirigen-  
tenan di Sindicato di Polis, a  
reuni cu Gobierno, representa  
pa Prome Minister mr. Mike  
Eman, Minister di Finanza,  
Mike de Meza y Minister Ar-  
thur Dowers, pa discuti un bi-  
aha mas riba e diferencianan  
cu tin, pa cual diabierna ul-  
timo, SPA su intencion tabata  
pa pone polis plat, manera  
e Presidente di SPA, Guilfred  
Besaril a bin ta bisa. Pero nan  
no a haya e cantidad spera  
na POVA, cu tabata e punto  
di encuentro.

Asina mes, Consejo di Minis-  
ter a invita SPA pa un reunion  
y enbes cu SPA demostra  
seriedad, ya cu nan problema  
ta diferente cu esnan di TOPA  
y SCCA, a trata di hinca e dos  
sindicatonan aki tambe den e  
reunion. Loke a keda rechaza,  
y si SPA mester a trata di forza  
bara, anto e reunion aki sigur  
lo no a tuma lugar.

Un biaha mas, a splica henter  
e proceso y a mustra SPA riba  
su falta di responsabilidad,  
dor di bandona mesa di dia-  
logo, unda tur asunto mester  
keda discuti.

E reunion a bay den un bon  
ambiente te den oranan di di-  
abierne anochi, unda ambos  
partido, esta SPA y Gobierno  
a acorda di lo busca un solu-  
cion, pa loke t'e preocupacion  
di SPA, esta nan kier mira un  
mehoracion di beneficianan  
secundario. Di acuerdo cu nos  
informacionnan, no a logra  
nada concreto ainda, pero a  
keda acorda cu e siman aki,  
nan lo sigui na mesa pa wak  
con por haya otro finalmente.  
No ta conoci si SPA lo sigui  
cu su reunion general awe,

manera priminti diabierna  
ultimo, ora cu SPA a pidi tur  
hende pa reanuda trabao, y  
cu awe lo bin bek, pa splica  
e miembronan resultado di e  
reunion di diabierna ultimo.

contra di criminalidad. Kier  
men si polis a dicidi of ta dicidi  
di bay plat, cu nan mester  
carga e consecuencia pa cu  
nan hechonan, cu lo ta viola-  
cion di nan huramentacion.

Maske cu e no a wordo bisa cu  
anto palabra, nos por a com-  
pronde cu Gobierno a mustra  
SPA riba su responsabilidad  
cu polis a huramenta pa haci  
su trabao, pa defende pueblo

**AWE**  
**Mainta**  
noticia@awemainta.com  
**Tel: 583-1400**  
**Fax: 583-1444**

**MAS vuelo...MAS orario comodo...  
nos servicio SEMPER simpatico!**

**Tiara Air**  
Na ora, comodo y simpatico...

**Bula entre  
Aruba y Corsou!!!**

**Tarifa  
Super  
Special**

|        | Corsou - Aruba |  |
|--------|----------------|--|
| Mainta | 8.10 a.m.      | dialuna pa diabierna                                 |
| Mainta | 10.05 a.m.     | diasabra   |
| Merdia | 12.35 p.m.     | dialuna, diaranson, diahuebs, diabierna y diadomingo |
| Atardi | 4.15 p.m.      | dialuna, diaranson, diahuebs, diabierna y diadomingo |
| Anochi | 8.10 p.m.      | dialuna pa diasabra                                  |
| Anochi | 10.45 p.m.     | diadomingo   |

|        | Aruba - Corsou |  |
|--------|----------------|--|
| Mainta | 7.15 a.m.      | dialuna pa diabierna                                 |
| Mainta | 9.05 a.m.      | diasabra   |
| Mainta | 11.35 a.m.     | dialuna, diaranson, diahuebs, diabierna y diadomingo |
| Atardi | 3.15 p.m.      | dialuna, diaranson, diahuebs, diabierna y diadomingo |
| Anochi | 7.10 p.m.      | dialuna pa diasabra                                  |
| Anochi | 9.45 p.m.      | diadomingo   |

**CURACAO**  
www.curacao.com


Por yama Aeropuerto T.588 4272/ 5820901 /5834307

Cumpra online **www.tiara-air.com**

## Banco Central ta reduci su tasa di anticipo

ENTRANTE awe Banco Central di Aruba a reduci su tasa di anticipo ("advance rate") cu 2 punto di porcentahe te cu na 1%. E decision aki pa reduci e tasa di anticipo ta relaciona cu e caida den actividad economico, e nivel abao di e inflacion y e tasanan di interes riba mercadonan internacional di placa y di capital.

A base di e Decreto AB 2002 no. 36, e tasa di interes legal ta igual n'e tasa di anticipo aumenta cu 2 punto di porcentahe. Consecuentemente, tambe entrante awe e tasa di interes legal ta igual na 3%. Pregunta cu tin pa contesta ta: "Con esaki ta beneficia e pueblo?"



Sintonisa e programma na Tele Aruba

## "Biba sin Obesidad"

Diahuebs 24 di juni 2010 pa 8:45 di anochi

Danki Aruba pa e sintonia tota

Danki na e sponsering di Arubaway Foundation e programma aki a bira un realidad pa nos por brinda e comunidad di Aruba.

Bishita nos website: [www.witgelekruiisaruba.org](http://www.witgelekruiisaruba.org) pa mas informacion tocante bo salud.





# CARIBBEAN SEA JAZZ FESTIVAL ARUBA OCTOBER 8&9 CAS DI CULTURA 2010



## **FRIDAY OCT 8 • CAS DI CULTURA • 6:30PM**

Marcus Miller / Swing Design / Cosy Cotton ft. Grana Louise / Red Fulka /  
Sazon Cubano / Ivan Jansen / Scol Di Musica / Open Art Gallery And Film

## **SATURDAY OCT 9 • CAS DI CULTURA • 6:30PM**

Issac Del Gado / Tizer ft. Karin Briggs / Serghio Jansen / Mystical Connection /  
Datapanik / Timbache / Off Shore / Scol Di Musica / Open Art Gallery And Film

**1 DAY PASS US\$ 32,- / Awg. 55,-**

### **TICKETS AVAILABLE AT:**

MooMba Beach, Clifix, Super Food, CD's & More, Cas di Cultura.  
More info visit [WWW.CARIBBEANSEAJAZZ.COM](http://WWW.CARIBBEANSEAJAZZ.COM)

**NOW!**



**SUPER FOOD**





drs. Paul Croes

# Palabra di elogio pa nos tres heroenan local y organisadornan di Cas di Glas

Aruba a uni contra e malesa di Cancer

CUATER dia largo Xiomara Everon, DJ 101 y Jean Carlo a keda den e Cas di Glas pa asina recauda fondo pa un bus cu lo aporta na salud di nos comunidad. Un bus cu lo por detecta e malesa di cancer na pecho prome cu esaki ta demasiado laat. Presidente di Parlamento drs. Paul Croes despues di a haci su donacion pa e causa noble aki, a duna palabra di elogio na e organisadornan en particular Peter Baliere cu tabata e motor tras di e organizacion aki. Tambe Sr. Croes a invita henter pueblo pa haci nan donacion pa e iniciativa aki. Uno sigur cu mester

carga apoyo di henter nos comunidad. Na e tres heroenan cu a keda 4 dia sin come cuminda normal, pero a keda riba batido di berdura y fruta, Croes a duna palabranan di elogio y forsa. Drs. Paul Croes a bisa durante su entrevista cu e malesa aki no conoce color politico, e no ta distingui religion, edad, rasa of sexo pero cu cada un di nos lo por confronta cu esaki den nos bida. Sr. Croes a menciona cu e mes a perde sernan keri y cu na momentonan aki mes familiar di dje lo ta pasando den e momentonan dificil aki. Sr. Croes a

manda palabra di forsa na tur esnan cu den un of otro forma ta confronta e malesa den nan bida. Si bo ripara con lihe e malesa aki ta caba cu un persona, berdad ta sumamente importante pa por diagnostica e malesa den un fase mas trempan, pa asina por trata na frena esaki. E proyecto aki, Cas di Glas sigur ta un iniciativa cu ta importante den e bataya contra e malesa aki. Naturalmente no ta e solucion, pero ta aporta na parti di e solucion. Paul Croes a felicita comunidad completo pa e aporte y e donacionnan nan e proyecto aki, tambe



na e boluntarionan cu a recauda fondo, na e radio emisoranan cu tabata transmiti e evento, na e diferente bandanan y gruponan di baile cu e pone ambiente, y sigur na Sr. Baldiere pa e evento asina noble aki. Pabien sigur na Xiomara, DJ 101, y en particular Jean Carlo cu recientemente tambe a perde su sra. mama, dor di e malesa aki. Hopi danki pa boso aporte na e proyecto Cas di Glas.

## Chofer di van a perde control den bocht na pavia y a bolter



DIASABRA anochi a drenta informe di cu un auto a bolter den un di e bochtnan na Pavia, a dirigi tanto polis como ambulans na e sitio. Na yegada a bin constata cu ya e chofer mes a sali for di e van Mitsubishi L300 blanco A29317. Na yegada di ambulans a atende e victima y a transporte pa hospital.



## Na Shiribana chofer a pega soño tras di stuur



DIASABRA mainta a drenta informe di un accidente cu hende herida na Shiribana banda di Rococo Plaza, a dirigi tanto polis como ambulans na e sitio. Na yegada a constata cu e chofer di e Nissan Sentra shinishi A14928 bayendo pariba y na dado momento e chofer a pega soño y a bay na su man robes baha caminda y dal riba un palo di lus. E impacto tabata fuerte y e housing di e spiel di pafo a bin dal den e cara di e chofer mientras e spiel mes a kibra y a spat tur e splinternan den e cara di e chofer. Na yegada di ambulans mesora a atende e chofer y a transporte pa hospital.



**Pelea entre ruman a pone mama caya flauw**

Diadomingo madrugada a drenta informe di un problema basta serio na Ponton, a dirigi 2 patruya policial na e sitio. Na yegada a bin compronde cu yuinan ta burachi y a bringa cu otro dilanti nan mama y esey a haci e mama malo te cu ela cay flauw, pero ora polis a yega ya caba e mama a cuminsa reaciona y no tabata kier ayudo di ambulance, ademas e mes a pone su yui den auto y mande cas drumi prome cu polis hiba un di nan warda polis. Polis a papia cu e tata y e tata si tabata kier pa hiba e 2 yui homber sera pero e mama no tabata kier. Despues di esey nan tur hende a move for di e sitio.





# Open House

corda cumpra bo tikenan  
**ARUBA LIONS CLUB**



## Parlamentario Evelyn Wever-Croes riba Dia di Bestia **Bende cuero di Boa por yuda stimula economia di Aruba**



4 Di october, Dia di San Fransisco, ta wordo celebra tambe Dia Internacional di Bestia. Parlamentario Evelyn Wever-Croes ya durante campaña electoral caba a pidi atencion pa problemanan manera cacho sin doño riba caya y sobrepoblacion di Boa.

Un sugerencia cu e Parlamentario a lansa ta pa exporta e cuero di Boanan por wordo exporta, y asina nos por stimula otro actividad economico.

“Mi ta contento di mira iniciativanan priva durante ultimo lunanan pa cu e problema aki. Ya den campaña caba mi a bisa cu esaki lo tin mi atencion, pasobra e forma con e poblacion di Boa na Aruba a crece, ta hopi preocupante. E daño cu Boanan ta causa na nos fauna, y e molester cu e ta causa den algun

casnan, ta motibo pa preocupacion. Mi a busca mas informacion, y mi a wordo informa cu Departamento Veterinario di Aruba tambe a pidi atencion p’e problema aki, pero cu e departamento no a haya e atencion debido di Gobierno.

Durante encuentronan cu Minister di Salubridad sr. Richard Visser den Parlamento, mi a haci diferente pregunta riba e tema aki. Lamentablemente e Minister a mostra poco interes, y a contesta mi cu pueblo

di Aruba mester siña biba cu Boa, mescos cu nos a siña biba cu prikichi. E contesta aki a decepcionami, pasobra hustamente di e mandatario aki, mi a spera un contesta mas al caso, den cual e ta muestra su preocupacion tambe”, segun Wever-Croes. E Parlamentario ta contento cu otro Ministernan recientemente a muestra interes riba e iniciativa di Aruba Birdlife Conservation, pero cu e interes aki so nos no ta logra nada. “Boanan ta causando cu varios tipo di parha ta wordo mata, na gran escala. Ta tempo pa nos tuma control di e situacion aki, y sostene esnan di Parque Arikok, Servicio Veterinario y Aruba Birdlife Conservation pa combati e sobrepoblacion di boa”, Evelyn Wever-Croes a termina bisando.

## Di bishita na Cas di Glas **Minister Richard Visser contento cu iniciativanan priva**



“**GORBIERNO** tin un rol pa hunga pero comunidad tambe. Y ora sector priva asumi su responsabilidad pa hunto cu Gobierno traha na bienestar di nos comunidad, nos ta logra cosnan grandi”, asina Minister dr. Richard Visser di Salubridad Publico y Deporte a bisa den fin di siman na ocasion di su bishita na e evento di Cas di Glas dilanti Renaissance Marketplace. Hunto cu sector priva y pueblo engeneral ta purbando pa recauda fondo pa un aparato mobil pa controla pecho contra cancer. Gobierno ta admiti cu

cancer ta un di e malesanan cu mas ta afectando nos comunidad y lamentablemente ta hiba hopi di nos ciudadanonan for di nos anualmente. Cu un machine moderno asina, patientnan lo por cuminsa controla desde trempan y evita cu cancer ta tuma poder riba nan curpa. Durante su bishita na e evento, Minister dr. Richard Visser a haci un apelacion riba nos comunidad pa aporta na e bon causa aki cu na caminda lo por salba un ser keri di bo den futuro.

## Evelyn Wever-Croes

### “Nos tur mester yuda pa combati cancer”



**EVELYN** Wever-Croes, hunto cu e sernan femenino di su famia, a bishita Cas di Glas diasabra ultimo, pa nan haci nan donacion.

“Nos a perde algun famia na e malesa di cancer, y tambe cancer di pecho. Den nos famia tin tambe esnan cu ainda ta combatiendo e malesa aki.

Cancer di pecho, si e wordo detecta na tempo, por wordo combati. Nos tin e deber pa cu nos yiunan y nos famia, pa cuida nos curpa y detecta malesanan na tempo. Pesey e bus cu mammogram ta hopi importante. Ya esnan cu no por of no kier bay te hospital pa tuma un mammogram, por haci un mammogram mas serca di cas.”

Evelyn Wever-Croes a felicita e organisacion cu a bin cu e iniciativa aki y tur e boluntarionan cu a traha asina duro pa logra e meta aki.



**N.V. ELMAR**  
Wettingsstraat 110 - P.O. Box 800  
Oranjestad, Aruba  
Tel.: (0297) 555 7100 - Fax: (0297) 555 5555  
Website: www.elmar.aw  
E-mail: info@elmar.aw

**N.V. ELECTRICITEIT-MAATSCHAPPIJ "ARUBA" (ELMAR) brengt hiermede ter kennis van haar gebruikers dat de brandstof toeslag overeenkomstig het bepaalde in de "Aansluitvoorwaarden" met ingang van:**

**1 Oktober 2010: 26,83 cent (was 28,20) per kWh zal bedragen.**



**Job Description for Position of Chief Executive Officer****Position title: Chief Executive Officer (CEO)/ Director****Reports to: Supervisory Board****Summary:**

*Responsible for the strategic leadership, management and oversight of the Aruba Tourism Authority, a multi- million Awg. organization, with the head office in Aruba and offices and/or representation in North America, Europe and Latin America.*

*The ATA is responsible for developing and effectively executing the marketing of Aruba overseas as a tourist destination in order to increase the volume of revenues derived from tourism and to stimulate economic activity on island*

**Basic Responsibilities:**

1. Spearheads together with the "Commissie Verzelfstandiging ATA" (CVA) , the transition from the current ATA to the new ATA
2. Leads the Executive Management Team to develop and implement plans for the operational infrastructure of systems, effective organizational processes/policies and appropriate human resources to support the strategic, as well as operational, objectives of the organization
3. Provides leadership, direction and top line management to the employee team to ensure that the mission and vision of the ATA are successfully put into practice and sustained
4. Coordinates and manages planning of marketing programs in all major markets
5. Monitors and evaluates the performance of such campaigns and make adjustments as necessary
6. Manages and oversees all budgets relating to the operation of the ATA
7. Works with local and overseas private sector business partners to leverage ATA's funding where appropriate and to improve the quality of the tourism experience
8. Works with local government entities, private sector partners and NGO's to achieve improvements in local tourism product and to increase their awareness and understanding of the importance of tourism
9. Manages local and overseas offices, companies and agencies representing the ATA overseas
10. Executes the directives and guidelines of, and report frequently at regularly scheduled intervals to, a Supervisory Board and to keep them fully informed as to the activities of the ATA
11. Informs the local community as to the performance of the tourism industry

**KNOWLEDGE AND SKILL REQUIREMENTS:****EDUCATION:**

A college degree from an accredited four year college or university with an MBA or other graduate degree strongly preferred or acceptable equivalent.

**PROFESSIONAL QUALIFICATIONS/EXPERIENCE:**

A successful candidate for the ATA CEO/Director role should have the following professional qualifications:

- ▶ Leadership and stature to successfully represent the ATA with all of its constituent groups
- ▶ Extensive senior executive level experience within the travel and tourism industry.
- ▶ Knowledge of contracting, negotiating, and change management
- ▶ Skill in examining and re-engineering operations and procedures
- ▶ Ability to develop financial plans, budgets, manage resources, analyze and interpret financial data
- ▶ Ability to identify and secure funding/revenue sources
- ▶ Experience in successfully leading the development and execution of effective strategic business plans, marketing programs, government affairs/public policy initiatives, research studies and activities, communications and public relations campaigns.
- ▶ A sound knowledge and experience of current marketing principles and practices as they pertain to tourism marketing.
- ▶ Excellent strategic skills and overall business judgment, including the ability to visualize opportunities and continuously improve the existing business.
- ▶ Strong management and interpersonal skills coupled with the ability to lead creative teams and interact with a broad range of business, government and community associates. Experience in building coalitions and reaching consensus is highly desired.
- ▶ Professional written and verbal communication skills in English Dutch, Spanish and Papiamentu

**PERSONAL CHARACTERISTICS:**

A successful candidate for the ATA CEO/Director role at minimum should be:

- ▶ A proven and successful senior executive
- ▶ An individual with broad business vision and the ability to lead an organization in developing and executing a multiple year business plan
- ▶ An individual with strong interpersonal skills who is able to gain and maintain the respect of industry colleagues, key stakeholders, and government leaders
- ▶ A team leader and player who works well in a collegial management environment but is equally comfortable in a more competitive corporate environment
- ▶ A leader with outstanding communication skills who is also a very effective public speaker
- ▶ An individual who exhibits passionate, patient and high energy leadership who consistently pursues the achievement of goals and objectives with determination, steadfastness of purpose, enthusiasm and highly ethical conduct.

The above is intended to describe the general content of and requirements for the performance of this job. It is not to be construed as an exhaustive statement of duties, responsibilities or requirements.

**Other:**

- Candidates must be of Dutch nationality
- Candidates must reside or be willing to reside in Aruba for the duration of the contract

Please send your application to the office of:

the Minister of Tourism, Transportation and Labour located at  
L.G. Smith Boulevard 76, Oranjestad, Aruba, prior to October 15, 2010.







Pa bo auto no fayabo durante yobida,  
haya bo wipers y tuneup kit  
na un di nos sucursalnan

Cura Cabay 145  
Tel: 584-5046

Sabana Blanco 70  
Tel: 583-4363

Shaba 1  
Tel: 587-0621



# Bendicion di animal na Filipinas



**Brickell Bay SPECIAL OFFER**

Contact the reservations office at +(297) 586-0900 or toll free 1-800-324-6965  
info@brickellbayaruba.com

**AWG 150.00**  
Room Rate Per Night  
Inclusive of continental breakfast  
Price includes taxes & service charge

**October 1<sup>st</sup> - 11<sup>th</sup> 2010**  
**HERFST VACANTIE**

Rate is per room for two person with continental breakfast included  
NEWLY RENOVATED WITH ADDED VALUE FACILITIES & SERVICES

- 3 RESTAURANTS ON PROPERTY
- 2 BARS ON PROPERTY
- FRESH WATER POOL
- WI-FI INTERNET IN ROOM
- CONCIERGE DESK
- 24 HR RECEPTION
- THE ORCHID SPA
- 24 HR GYMNASIUM ON PROPERTY
- SELF SERVICE LAUNDRY FACILITIES
- TURN-DOWN SERVICE IN ALL ROOMS
- HOTEL SHUTTLE SERVICE
- COMPLIMENTARY BEACH CHAIRS
- FREE INTERNET IN BUSINESS CENTER
- ROOM SERVICE FROM 7AM - 11PM

Rates are subject to availability. [WWW.BRICKELLBAYARUBA.COM](http://WWW.BRICKELLBAYARUBA.COM)



AWE ta Dia Mundial di animal, dedica na e fiesta di San Francisco di Asís, e Santo Patrono di animal y medio ambiente. Na Filipinas doñonan di mascota

ta hiba nan animalnan misa tur prome diadomingo di october pa e tradicional bendicion di animal riba e dia di fiesta di San Francisco de Asís. Por mira cacho,

pushi, parha, yuwana, y te hasta colebra, tarantula y tur sorto di otro animal desfila cu nan doño buscando nan bendición cerca e sacerdote.





**DECEMBER BONUS**  
**Frisian Flag**  
**15,000**

- 1** Cumpra cualkier producto di Frisian Flag.  
Instant, Long-Life Milk, Evaporated Milk, Condensed Milk, Baby Milk y Chog
- 2** Trece recibo cu descripcion na Compra Ltd den Schotlandstraat Of Engelandstraat pa cambia pa tickets. Cada producto ta balora na diferente suma di tickets.
- 3** 30 ganador di Afl 500,- lo wordo selecciona December 17, 2010

Langheker Milk y Evaporated Milk 175gr no ta participa. Premio di Afl 500,- ga gasta na bo supermercado favorito.



# Eleccion na Bosnia: Absentismo ta e gran ganador


E eleccion general na Bosnia y Herzegovina a transcuri sin incidente particular, pero cu un participacion hopi abao, cu ta muestra cu e índice di abstencion ta hopi halto.

E presidente di Comité Electoral Nacional, Irena Hadziabdic, a bisa cu te 11'or di mainta ora local, kier men, cuater ora despues cu e urnanan a habri, apenas un 13,48 por ciento di votadornan a acudi pa vota den algun di e 5.269 urnanan electoral. Den e republica Serbobosnia, un di e entidadnan cu ta conforma e pais, a asistencia na urna incluso tabata menos, di 12,1 por ciento, mientras cu den e entidad Musulman-Croata, un 14,1 por ciento a acudi pa vota poco prome cu merdia local. Hadziabdic a bisa cu no a registra incidente y cu solamente dos urna a habri dos ora lat debi na falta di material electoral. Como 3,1 miyon votador ayera mester a elegi e tres miembronan di e Presidencia colegial y



e miembronan di Parlamento nacional y di e dos entidadnan autonomo: Musulman-Croata

y Serbobosnio. Ta ser spera cu eprome resultadonan di e eleccion lo cuminsa drenta banda



di 8'or y mey di anochi ora local, y pa mey anochi lo anuncia e datonan di e resultadonan di e varios Parlamentonan. Pa e elec-

ción aki tabatin un total di 8.236 candidato di 39 partido político, 11 coalicion y 13 aspirante independiente.



# Eleccion na Brazil:

## Un dia decisivo



E urnan electoral ayera a habri trempa na Brazil pa motivo di eleccionnan presidencial, parlamentar y regional di e país mas grandi di Latino America. Ademas di e presidente di e Republica, e casi 135,8 milyon votadornan Brasileiro ta elegi e gobernador di e 27 estadonan di e pais, dos tercera parti di Senado y 513 parlamentar federal, y nan ta renoba tur e parlamentonan regional. Den e eleccion tin 22.570 candidato, di cual 9 ta pa presidente, 171 pa gobernador, 273 pa senador, 6.036 pa parlamentar federal y 15.280 pa parlamentar regional of di districto. E favorito pa gana den e eleccion presidencial ta e oficialista Dilma Rousseff, cu ta conta cu e firme respaldo di presidente Luiz Inácio Lula da Silva, como tambe di e popularidad grandi di e mandatario y su programanan social exitoso.



## Defunto hefe militar FARC tabata disgusta cu Chávez segun email



**: Mono Jojoy, ex jefe militar di FARC, mata pa ehército Colombiano**

E defunto hefe militar di FARC, alias 'Mono Jojoy', tabata disgusta cu e presidente Venezolano Hugo Chávez, cu e'la acusa den un supuesto email cu fecha di 13 di augustus, cu a ser publica diasabra ultimo pa gobierno Colombiano, di a "uni" cu e enemigo.

"Nos a marca nos propio caminda pa goberna nos mes y tuma e poder pa nos. Esey a molestia e cubanonan, Chávez y secuaznan. Pesey nan no ta respeta nos y na cierto momentonan nan ta uni den e lucha ideologico di e enemigo pa combati nos", 'Mono Jojoy' lo a bisa den un mensahe na dirigencia di FARC, dia 13 di augustus manera a wordo revela pa presidente Juan Manuel Santos.

E mensahe a wordo manda despues di e cumbre di dia 10 di augustus na Santa Marta (Colombia) entre e hefe di Estado Colombiano y Hugo Chávez, caminda esakinan a anuncia normalizacion di e relacionnan entre nan paisnan.

E encuentro a pone fin na e crisis cu a cuminsa na fin di juli, ora cu ex presidente Alvaro Uribe a keha publicamente di presencia di por lo menos 1.500 gueriero di FARC y di alto mandonan di e gueriyá aki den Venezuela.

E email a ser descubri den e cantidad di material informatico confisca pa ehército despues di e bombardeo cu dia 22 di september ultimo a causa morto di e hefe rebelde den centro di e pais, Santos a bisa den un consejo di gobierno den e ciudad Ibagué, na 213 kilometer west di Bogotá.

Den e mensahe, cu Santos a lesa, 'Jojoy' ta bisa cu FARC, "semper a lucha pa no keda aisla". Pesey, e ta bisa, "nos lo bay padilanti".

"Mas importante ta pa no confia e bisiñanan cu ta goberna Estado y ta actua a base di esey. Nos mester guía nos mes Semper segun e maneho cu nos a fiha pa trata cu amigo y enemigo, na nivel nacional y internacional", e hefe rebelde ta agrega.



## Chávez ta anuncia bishita di Fidel na Venezuela

**PRESIDENTE** Hugo Chávez a bisa diasabra ultimo cu un bishita di e líder Cubano Fidel Castro na Venezuela "ta cerca". "Mi ta anuncia cu un bishita di Fidel na Venezuela ta cerca. Aki nos ta wardabo Fidel, pa bo tene un discurso di como seis ora pa nos, camarada", Chávez a bisa den un discurso televisa, sin duna detaye.

Castro, amigo personal di Chávez y estrecho aliado politico, a delega poder na 2006

pa motibo di enfermedad pa hopi luna a keda aleha di bida publico, pero recientemente e'la reaparece.

Chávez, un teniente coronel retira di ehército, a converti Cuba den su aliado mas cercano desde cu e'la asumi poder na 1999. Regularmente e ta bishita Castro, yamando esaki su mentor, y a elogia e sistema politico di e isla, yamando esaki "democracia revolucionario".

Venezuela a bira e benefactor

clave di economía Cubano, mandando como 100.000 bari di petróleo pa dia pa e isla bao condicion preferencial a cambio di e servicio di miles di doctor Cubano, cu a yuda fortalece e apoyo político di e gobernante Venezolano cu nan trabao gratis den hospitalnan di e país. Venezuela ta e prome socio di Cuba, cu un comercio na valor di 3.389 milyon dolar anual na 2009, cu ta 36% menos cu e aña prome.



# E riunan di mundo ta den crisis, segun estudio



OSLO – E riunan di mundo ta den crisis, incluyendo esunnan di Norte America y di Europa, caminda gobiernonan a inverti biyones di dolar pa limpia nan reservanan di awa dushi, segun un estudio a mostra.

“E peligernan pa e seguridad di e awa pa consumo humano y diversidad biologico ta epidemico”, segun Charles Vorosmarty di Universidad di Ciudad di New York, coautor di e informe den e publicacion Nature.

E ekipo internacional di cientifico a calcula cu casi un 80 por ciento di e poblacion mundial – of como 5.000 miyon hende – ta biba den zonanan di alto riesgo pa seguridad di suministro di awa, causa pa mal maneho y contaminacion di riu.

“Riunan den crisis”, Nature a bisa riba su portada. Un mapa a mostra un nivel halto di peliger, colo cora, pa gran parti di Merca incluyendo e cuenca di Mississippi, hunto cu casi henter Europa. India, incluyendo e cuenca di Ganges, y oost di China cu e riu Yangtze tambe tabata cora.

Aumento di rikeza frecuentemente kier a men un aumento di e riesgonan, por ehempel pa motivo di damnan mal ubica of e aumento di contaminacion di fertilizante, pesticida y otro quimico. Nacionnan rico a cubri nan mal maneho instalando plantanan di tratamiento costoso. E autornan a urgi pa un reforestacion pa salba e riunan, specialmente esunnan cu awor ta menos afecta, den nacionnan den desaroyo. Poblacion mundial awor ta na caminda pa yega 9.000 miyon habitante na 2050 compara cu e 6.800 miyon di awendia.

E estudio a bisa cu prome nan lo samina detenidamente un serie dobel di riesgo, pa suministro di awa dushi pa hende y pa e diversidad biologico di bida den e riunan, desde pisca te na crocodil.

“Tumando na cuenta e tendencia creciente den extincion di especie, e poblacion humano, e cambio climatico, e uso di awa y e presionnan di desaroyo, e sistemanan di awa dushi lo sigui menaza pa hopi tempo”, e cientificonan a skirbi. E riunan menos afecta ta den partinan di Siberia, Canadá, Alaska, e cuenca di Amazonas of den norte di Australia, segun nan a laga sa. Partinan di Amazonas, Congo y Nilo ta core poco riesgo. Den nacionnan rico, hende hopi biaha no ta compronde e problema serio di suministro di awa pasobra e awa di cranchi ta dushi.

“Den e mundo industrializa, e strategia di maneho di awa ta di trata cu e problema na final di e cadena en vez di atende cu e causanan serio”, segun Peter McIntyre, coautor na Universidad di Michigan.

E estudio a urgi pa otro nacionnan no sigui e ehempel di esunnan rico cu a inverti biyones di dolar den maneho di riu, di dam y plantanan hidroelectrico te cu damnan artificial pa crea tera di cultivo den cuencanan di riu.

“Si nan preocupacion ta inundacion nan por a preserva e cuencanan di riu den zonanan abao ya cu esakinan ta absorba e shock di inundacion”, Vorosmarty a bisa.

“Esaki lo a elimina e necesidad di construi un sistema di contencion di inundacion c uta costa miyones di dolar”, e’la añadi.

Como un ehempel positivo, e ciudad di New York a compra un zona di Catskill Mountains pa yuda ofrece awa filtra naturalmente, consideranado cu esaki ta mas barata cu un planta di tratamiento. E autornan ta bisa cu lo por tuma hopi década prome cu e politiconan compromete nan mes suficientemente pa soluciona e problema. “Mientras tanto, un fraccion substancial di e poblacion mundial y numeroso especie di awa dushi ta sigui den peliger”, nan a bisa.

# México ainda no a dicidi si ta extradita ‘La Barbie’ pa Merca



MÉXICO a laga sa diahuebs cu ainda nan no a dicidi si nan lo huzga e capo di droga Mexicano Edgar Valdez Villarreal, alias “La Barbie”, na Mexico mes of lo extradit’e pa Merca.

Valdez Villarreal a wordo aresta dia 30 di augustus den teritorio Mexicano. E ta deteni provisionalmente pa 40 dia, cu ta vence dia 13 di october.

“Ora e detención aki conclui e agente di Ministerio Publico di e Federacion lo determina kico lo pasa cu e peticion di gobierno di Merca”, Procuraduría General Mexicano (PGR) a bisa den un comunicado di prensa.

PGR a bisa cu Merca a pidi extradicion di Valdez Villarreal desde 2005, cu cual e

La desmenti informenan di prensa cu a bisa cu Merca recientemente a solidita deportacion di e capo na momento cu e 40 dia vence.

“La Barbie” ta enfrente varios cargo di trafico di cocaina den por lo menos tres estado di su pais natal. Na México e ta enfrente multiple cargo pa crimen organiza y posesion di arma. PGR a laga s acu no ta descarta cu lo agrega mas una vez cu e investigacion caba den e periodo di su “voorarrest”.

Polis Mexicano ta consider’e responsabel pa varios decena di homicidio den su guerra contra e cartel di e rumannan Beltrán Leyva, un conflicto cu a converti partinan relativamente trankilo di México den campo di bataya.

“La Barbie” a bisa Polis cu e’la traha den trafico di droga y a transporta placa scondi den trailer.

Su abogado defensor Kent Schaffer a bisa cu e lo pidi pa Valdez wordo deporta pa Merca pa ser huzga ayanan.

# Merca ta adverti ciudadanonan di peliger di atententado na Europa

DEPARTAMENTO di Estado Mericano ayera a emiti un alerta di viahe pa Europa, pa motivo di “e potencial di atentadonan terrorista”, y a urgi su ciudadanonan pa keda cauteloso.

“Departamento di Estado ta alerta ciudadanonan Mericano di e potencial pa atentadonan terrorista na Europa”, un comunicado oficial ta bisa, cual comunicado tabata ser spera desde cu funcionarionan di gobierno a anuncia diasabra cu e advertencia tan a caminda.

“E informacion presente ta indica cu Al Qaeda y organizacionnan aliado ta sigui planea atakenan terrorista”, e texto di e alerta ta bisa. “Ciudadanonan Mericano mester tuma tur cautela pa nan ta consciente unda nan ta y pa tuma medidanan di seguridad apropiada pa proteha nan mes ora nan ta viaha”, e texto ta agrega.





## Hoben ta cay cu scooter dilanti cas



**ALGO** despues di 12or diabierna anochi un hoben ta cay cu su scooter dilant di su cas y haña basta sla. Ora polis a yega ya e scooter a wordo hinca den e cas caba pero por a mira basta sanger ariba e acera. Ambulance a wordo yama y e hoben a wordo transporta cu basta fractura pa Hospital.

## Na Palm Beach dilanti polis 2 chofer a pasa den lus cora



**DIASABRA** madrugaba durante cu polis tabata coriendo riba Sasakiweg nan ta mira con un pick-up double cab y un Geo Tracker ta pasa den lus cora dilanti e wowonan di e agentenan policial. Di biaha e agentenan a sende e nan zwaailicht y sirena y a para ambos vehiculo y a duna nan un boet pa a pasa den lus cora.

## Choller Americano a pleita cu su pareha choller



**ALGO** cu tin e bisiñanan harta pa varios aña ta e hecho cu na Ponton tin un choller Americano ta biba y ta trece delaster un choller den e barrio y esaki tin full e bisindario fada y preocupa. Diasabra atrobe tabata un dia di preocupacion ya cu e pareha choller a start un pleitamento cu a caba na maltrato serio. Polis y recherche a presenta na e adres y ora cu a kere cu cos a trankilisa y polis y recherche a bandona

e sitio pelea pisa a start atrobe. E biaha aki ora polis a bolbe a pidi ambulans pa bin busca e choller femenino mientras polis a detene esun masculino. Na yegada di ambulans ambos choller a ricibi atencion medico. Recherche lo bay atende cu esnan envolvi ora nan ta sobrio.

## Auto a dal tras di otro den Seaport Marketplace



**DIASABRA** madrugaba drenta informe di un accidente na Seaport Marketplace, a dirigi polis na e sitio. Na yegada a bin constata ta un auto a dal tras di e otro cu un tiki daño material so. Afortunadamente ningun hende a resulta herida.



# Accidente entre scooter, brommer y auto na e cruzada di Driemasterstraat



Fecha di campaña:  
September 20 - November 20, 2010

Manrique Capriles Aruba

## Johnson's baby CUTEST BABY EVER

2 categoria:  
Baby 0-3 aña  
Kidz 4-6 aña

baby + kidz photo contest

Trese un potret di bo baby  
na Manrique Capriles Aruba y gana diferente premio pa bo baby y alabes forma parti di nos  
baby + kidz calendar 2011

E potret di mas espontaneo y divertido cu wordo tuma cu bo propio camara lo gana e siguiente premionan:

- 1 Digital Camera, Digital Picture Frame, Co'i hunga di Toys-1-Toys Basket cu Productonan di Johnson's baby
- 2 Digital Picture Frame + Basket cu Productonan di Johnson's baby
- 3 Basket cu Productonan di Johnson's baby

Di tur e potretnan cu wordo entrega, lo escoge 150 cu lo wordo publica den e calendar!  
E potret mester wordo entrega hunto cu un producto bashi di 15€ di Johnson & Johnson, hunto cu un recibo di compra di productonan di Johnson & Johnson cu fecha recien na Manrique Capriles - Wayaca 33-D.

For di e 150 nan aki lo saca 3 ganador maximo kendenan lo dorna e front cover de e calendar 2010, como tambe e pagina di e luna di nan respectivo nacimiento/cumpleaños.

Ganadornan lo wordo anuncia Final di luna di November 2010

**Sams**  
By Manolo

**TOP 1 TOYS**  
compra na lo special

DIASABRA anochi a drenta informe di un accidente cu hende herida na e crusada di Driemasterstraat, a dirigi tanto polis como ambulans na e sitio. Na yegada a constata cu aki ta trata di un accidente unda un brommer, scooter y un auto ta involvi. Ta asina cu e brommer tabata bini di noord y no a para pa duna preferencia na e scooter cu tabata bini di pa-bao, e scooter a dal e brommer y a manda esaki bai dal den un auto Hyundai i-30 cu tabata para parti zuid di e crusada. E motorcyclista a ricibi basta sla na su pia drechi y esaki tabata basta hincha, e coredor di e scooter tambe tabata keha di poco dolor na su pia. Na yegada di e ambulans a atende e motorcyclista y a transporte pa hospital. Un remarke ta cu tanto e brommer como e scooter no tabata segura.

**DANKI PA YAMA**  
E celular aki ta dibo si bo tip conduci na un articulo exclusivo

**HOTLINE**  
733-8477  
**Digicel**  
E Best Man Grand y Afiliado

**AWEMainta**



Booshi Wever

# Persecucion politico contra dr. van Gellecum mester stop!

## Agunbero mester tene honor na su mes y retira

BOOSHI Wever a tuma nota di e decision di Hues den Prome Instancia den e caso entre Imsan y dr. van Gellecum, caminda cu Imsan ta purba di kita van Gellecum for di trabao. Na punto 4.8. hues ta bisa "Het gerecht kan, samenvattend, weinig waardering opbrengen voor de door Imsan (lees: de nieuw samengestelde raad van toezicht) gevolgde koers in deze zaak. Het is begrijpelijk dat Van Gellecum die als onrechtvaardig ervaart". Pues e Raad van Toezicht tabata "INHUSTO" y cu hues no tin aprecio pa esey, cu otro palabra e ta "REPUDIA" e acto di e.o sr.Agunbero cu tabata constantemente persigui e yui di tera aki! IMSAN (lesa e Raad van Toezicht di e tempo ey bao di gobierno anterior), tawata tin un bon relacion di trabao y hopi profesional cu dr. Van Gellecum. Tawata tin varios biaha diferencia di opinión (tin biaha grandi), pero eseynan semper a wordo discuti y solucionan na bon forma y profesional. E forma con Marion Agunbero, mesora cu ela tuma rienda di e hunta di supervision, a cuminsa cu persecucion politico ta repudiabel. Pa ser exacto ela asumi e cargo dia 16 di april 2010 y ya pa dia 23 di april 2010 e'la manda un carta fresco y menasante pa e yui di tera dr.van Gellecum. Con un persona cu tin un posicion asina halto den Caribbean Mercantile Bank, y anteriormente a ocupa posicionnan importante na Banco Central di Aruba y Direccion di Finanzas por permiti su mes wordo usa di e manera ey, ta ser grandemente cuestiona! Hopi ta comenta cu un veredicto asina devastador contra e

maneho repudiabel aki, cu ta su lugar pa nan (e RvT), pero Marion Agunbero en especial, tene honor na su mes, y retira di e posición di presidente di e hunta (cual mi ta kere tambe). Y no ta ami ta bisa cu e ta manera un mucha manda! Hues a bisa 'tussen de regels door' cu e hunta nobo ta wordo guia políticamente pa e minister di salubridad esta minister Visser, en todo caso esaki ta conta pa Agunbero cu a wordo apunta dor di e minister Visser! Si nos sigui e linea di pensamiento implicito di Huez, minister Visser tambe a haci su mes culpabel na persecucion politico y ta hunga wega politico den IMSAN. Ta tristo cu esaki ta sosode cu un hoben profesional Arubano, cu ta ser persigui pa un otro yiu di tera, anto sin base! Mi kier trece bon cla dilanti cu mi relacion cu dr. van Gellecum tawata uno puro profesional y di trabao! Mi opositornan varios biaha a lansa duda riba esaki, pero mi ta satisfecho cu hues ta di opinión cu e trato cu dr.van Gellecum a haya di nos gobierno tawata na su lugar. Mi ta mas satisfecho cu hues a bisa gobierno cu e no ta acepta wega ni persecucion politico, y cu esaki ta sumamente repudiabel!

Un di e motibonan cu Gobierno y Minister Visser pa medio di e Raad van Toezicht, bao presidencia di Agunbero, a usa ta, cu e NO por keda como director, pasobra e ta studiando y no por dirigi Imsan for di Hulanda! Esaki usando medionan moderno manera tele of video conference y na oranan fiho diariamente, cu tin awendia! Huez a bisa cu esaki SI ta posibel

y cu Agunbero NO por muestra cu e no ta cumpli! Mas tristo e caso ta bira ora di sali na cla cu pa e yiu di tera dr.van Gellecum no ta posibel pa dirigi Imsan for di distancia cu un salario di mas o menos 10 mil florin pa luna, pero pa un Hulandes Europeo SI e ta posibel cu un salario di 45 mil bubu, florin, pa luna! Y E si por bai cada tres siman Hulanda pa regla SU otro negoshinan, pues NO pa IMSAN pero "tussendoor" e ta contact Imsan! Dus e meneer aki ta strika cu 15mil bubu pa siman! Con e Raad van Toezicht por splica pueblo cu pa un yiu di tera NO ta posibel pa dirigi Imsan for di distancia pero un otro si por! Huez tabata hopi cla, esta cu e actuacion di Raad van Toezicht ta di mala fe y cu ta trata aki di un persecucion politico puro, y esaki tabata probablemente riba instruccion di minister Visser! Un pregunta cardinal ta: Ken ta bai paga pa e acto inhusto aki? Pa un hospital pa e pueblo di Aruba no tin placa pero pa paga un amigo si tin miyones!

Mi ta spera di curason cu e gobierno actual stop cu e persecucion politico contra nos propio profesionalnan y den caso di Imsan laga terkedad un banda y sigui cu proyecto di e hospital specialisa den tur cos cu tin di haber cu "hart en vaat-ziekten" cu e hoben aki a traha cu alma y curpa riba dje! E pueblo en principio lo scapa casi un miyon florin na gasto di viahe y estadia den exterior, sin conta e bentananan extra cu esaki ta trece pa tanto e pacient y su famia! E pueblo di Aruba merece esey! Dus na Hulandes "DOEN"



# Stars On Stage ta cuminsa cu exito despues di 2 presentacion den fin di siman

DESPUES di un fin di siman bon atendi SOS a inincia su proyecto di teatro den bario cu 2 presentacion. Diabierna a presenta "E PoyitoFloho" dor di e grupo infantil na Centro di barrio Noord dirigi pa Mario Flores, y diasabra SOS-Paradera a hasi su prome presentacion "Ami ta e actor/Actriz haci drama, hunga comedia y boshi rol" na e coffee house Arikok. Tur dos presentacion nan tabata hopi bon atendi, y e opinion general den tur dos caso tabata hopi positivo pa locual tabata e calidad di e presentacionnan tanto na Centro di Barrio Noord como na "Serena di Arikok" FARPA, e institucion a cargo di e proyecto Stars on Stage, kier a yama un danki na tur e mayornan y e famianan di e muchanan cu a duna nos e sosten y e apoyo pa nos por a cuminsa cu un exito rotundo. Palabranan di agradecimento tambe ta bai na Centro di barrio di Noord y na Parke Arikok, en especial e organisadornan di e "Serena di Arikok", den cual artistanan di tur indole ta ser invita pa presenta nan creatividad. Manera ta conoci caba

FARPA (Fundacion Arte Pro Arte) a lansa recientemente un programa specialmente pa hobennan. Esaki ta trata e proyecto "Stars On Stage" tambe conoci pa su inicialnan "SOS", cual ta wordo patrocina door di UNOCA, Cede Aruba, Pr. Bernhard & Cultuur fonds y Samen werkende Fondsen N.A. en Aruba. SOS ta un proyecto caminda hobennan di diferente barionan ta haya oportunidad pa desaroya nan mes ariba e nivel expresivo. Especialmente riba e tereno di teatro y danza -teatro. Nan ta prepara nan topico, y nan ta train y prepara nan mes bao guia di docentenan di teatro y baile, pa despues di un par di luna nan lo ta riba escenario pa nan presentacion. E entrada pa tur e presentacion nan a kita completamente gratis. Hobennan di e barionan Noord, Paradera, Playa Pabou, Sta.Cruz, Brazil, San Nicolas, Colegio Arubano y nan becindarionan, cu tambe tin gana di participa y no a inscribi ainda, ainda tin chens pa inscribi. Ban apoya nos talentonan local, pasonan ta futuro di nos pais.









## Don Pedro

**Ingredients**

1 oz. Liquor di Coffee  
1 cup di icecream di Vanilla  
1 oz. Nobel Whiskey  
Pa top Whip Cream

**Instruction:** Blend y top e cu Whip Cream

*Pa traha e cocktail drinksnan di mihor calidad ta liqournan di Palmera Quality bo mester!*

Booshi Wever

## Persecucion politico contra dr. van Gellecum mester stop!

Agunbero mester tene honor na su mes y retira



**BOOSHI** Wever a tuma nota di e decision di Hues den Prome Instancia den e caso entre Imsan y dr. van Gellecum, caminda cu Imsan ta purba di kita van Gellecum for di trabao. Na punto 4.8. hues ta bisa “Het gerecht kan, samenvattend, weinig waardering opbrengen voor de door Imsan (lees: de nieuw samengestelde raad van toezicht) gevolgde koers in deze zaak. Het is begrijpelijk dat Van Gellecum die als onrechtvaardig ervaart”. Pues e Raad van Toezicht tabata “INHUSTO” y cu hues no tin aprecio pa esey, cu otro palabra e ta “REPU-DIA” e acto di e.o sr.Agunbero cu tabata constantemente

persigui e yui di tera aki! IMSAN (lesa e Raad van Toezicht di e tempo ey bao di gobierno anterior), tawata tin un bon relacion di trabao y hopi profesional cu dr. Van Gellecum. Tawata tin varios biaha diferencia di opinion (tin biaha grandi), pero eseynan semper a wordo discuti y soluciona na bon forma y profesional. E forma con Marion Agunbero, mesora cu ela tuma rienda di e hunta di supervision, a cuminsa cu persecucion politico ta repudiabel. Pa ser exacto ela asumi e cargo dia 16 di april 2010 y ya pa dia 23 di april 2010 e’la manda un carta fresco y menasante pa e yui di tera dr.van Gellecum. Con un persona cu tin un posicion asina halto den Caribbean Mercantile Bank, y anteriormente a ocupa posicionnan importante na Banco Central di Aruba y Direccion di Finanzas por permiti su mes wordo usa di e manera ey, ta ser grandemente cuestiona! Hopi ta comenta cu un veredicto asina devastador contra e maneho repudiabel aki, cu ta su lugar pa

nan (e RvT), pero Marion Agunbero en especial, tene honor na su mes, y retira di e posicion di presidente di e hunta (cual mi ta kere tambe). Y no ta ami ta bisa cu e ta manera un mucha manda! Hues a bisa ‘tussen de regels door’ cu e hunta nobo ta wordo guia politicamente pa e minister di salubridad esta minister Visser, en todo caso esaki ta conta pa Agunbero cu a wordo apunta dor di e minister Visser! Si nos sigui e linea di pensamiento implicito di Huez, minister Visser tambe a haci su mes culpabel na persecucion politico y ta hunga wega politico den IMSAN. Ta tristo cu esaki ta sosode cu un hoben profesional Arubano, cu ta ser persigui pa un otro yiu di tera, anto sin base! Mi kier trece bon cla dilanti cu mi relacion cu dr. van Gellecum tawata uno puro profesional y di trabao! Mi opositornan varios biaha a lansa duda riba esaki, pero mi ta satisfecho cu hues ta di opinion cu e trato cu dr.van Gellecum a haya di nos gobierno tawata na su lugar. Mi ta mas satisfecho cu hues a bisa

gobierno cu e no ta acepta wega ni persecucion politico, y cu esaki ta sumamente repudiabel! Un di e motibonan cu Gobierno y Minister Visser pa medio di e Raad van Toezicht, bao presidencia di Agunbero, a usa ta, cu e NO por keda como director, pasobra e ta studiando y no por dirigi Imsan for di Hulanda! Esaki usando medionan moderno manera tele of video conference y na oranan fiho diariamente, cu tin awendia! Huez a bisa cu esaki SI ta posibel y cu Agunbero NO por muestra cu e no ta cumpli! Mas tristo e caso ta bira ora di sali na cla cu pa e yiu di tera dr.van Gellecum no ta posibel pa dirigi Imsan for di distancia cu un salario di mas o menos 10 mil florin pa luna, pero pa un Hulandes Europeo SI e ta posibel cu un salario di 45 mil bubu, florin, pa luna! Y E si por bai cada tres siman Hulanda pa regla SU otro negoshinan, pues NO pa IMSAN pero “tussendoor” e ta contact Imsan! Dus e meneer aki ta strika cu 15mil bubu pa siman! Con e Raad van

Toezicht por splica pueblo cu pa un yiu di tera NO ta posibel pa dirigi Imsan for di distancia pero un otro si por! Huez tabata hopi cla, esta cu e actuacion di Raad van Toezicht ta di mala fe y cu ta trata aki di un persecucion politico puro, y esaki tabata probablemente riba instruccion di minister Visser! Un pregunta cardinal ta: Ken ta bai paga pa e acto inhusto aki? Pa un hospital pa e pueblo di Aruba no tin placa pero pa paga un amigo si tin miyones! Mi ta spera di curason cu e gobierno actual stop cu e persecucion politico contra nos propio profesionalnan y den caso di Imsan laga terkedad un banda y sigui cu proyecto di e hospital specialisa den tur cos cu tin di haber cu “hart en vaat-ziekten” cu e hoben aki a traha cu alma y curpa riba dje! E pueblo en principio lo scapa casi un miyon florin na gasto di viahe y estadia den exterior, sin conta e bentahanan extra cu esaki ta trece pa tanto e pacient y su famia! E pueblo di Aruba merece esey! Dus na Hulandes” DOEN”

## Auto ta perde control na Pos Chikito y ta accidenta

**DIABIERNA** anochi banda di 10or un auto direccion pa Oranjestad ta perde control poco pabao di e rotonde di Pos Chikito ta subi e isla cu tin meimei di caminda y ta dal den un palo di luz. Afortunadamente no tabata tin herido.





# Chofer coriendo cu velocidad halto y sin conoce e caminda a drenta mondi

**DIASABRA** anochi a drenta informe di cu na Papilon chofer di un pick-up a drenta mondi, a dirigi un patruya na e sitio. Na yegada na e sitio nan a bin constata cu e chofer a lastra un brake basta largo indicando cu e tabata bini cu velocidad halto y debi cu e no conoce e caminda ela drenta den mondi. Afortunadamente ningun hende a resulta herida.



Parlamentario drs. Lainya Kemp-Westerhof

## Goberna mester ta haci cu responsabilidad

Si mester hasi cambio pa salba un fondo ta hacie



**SEGUN** Parlamentario Lainya Kemp-Westerhof goberna un pais ta algo cu mester wordo hasi cu responsabilidad. Y como figuranan cu ta responsabel pa e rumbo di un pais si mester hasi cambionan pa salba un fondo lo hasie. E situacion financiero di fondo di pension ta uno alarmente cu un deficit di 600 milyon florin y si no haci nada e fondo simplemente e lo kibra. Cu consecuencia cu e hendenan lo perde tur cos y esey lo ta hopi tristo. Esey ta e realidad di cual no por bira lomba pe. Gobierno no tin e fondonan pa garantiza nada. Parlamentario Lainya tambe ta menciona cu mundialmente ya pa basta tempo caba a cuminsa hasi e cambionan nesecario pa cu e fondo di pension pa asina nan logra sobrevivir den e tempo dificil cu awe nos ta aden. Awor aki caba miyones cu ta genera di henter pueblo ta bay pa paga salario y pension di casi seis mil trahador

di gobierno. Si no hasi e cambionan un dijes no lo tin placa pa sigui inverti den e desarrollo di Aruba paso tur entrada ta bay pa e fondo. Parlamentario Lainya ta remarka cu oposicion sa y ta conciente di basta tempo caba cu e cambionan aki mester bin, te hasta den pasado nan a jega di presenta un introduccion di areglo di pension cu franchise na e sindicatonan. Ta un lastima cu ta hunga politica cu un tema asina delicado y mal influencia otro. Parlamentario Lainya ta menciona si cu gobierno a sali di forma positivo y madura y atende e asunto aki den un dialogo social serio entre sindicatonan, doñonan di trabao y gobierno. Algo cu antes no tabata tin e curashi pa hasi. Nan a sinta na mesa pa dialoga y trece HUNTO e cambionan necesario y no sconde e situacion cu ta un realidad cu nos ta bibando aden. E cambionan aki ta nesecario pa garantiza e futuro di e fondo aki.

Trahadornan lo keda cu nan derechonan cu nan a acumula te fin di e aña aki y pa futuro ta keda acumula pensioen den e forma nobo. Pa trahadornan dieciséis mas hoben esaki no ta cambia nada paso automaticamente ya caba nan ta den e sistema nobo.

Por ultimo Parlamentario a menciona cu na momento cu bo ta goberna un pais y bo ta encontra den un crisis asina mester hasi cambionan urgente pa salba y protehe loke tin, esey ta e responsabilidad di gobierno.

## Parlamentario sra. Lorna C. Jansen-Varlack Ta esencial pa Gobierno inverti den e “schoolgaande jeugd” pa cu famianan di menos recurso



**ENSEÑANSA** ta e fundeshi di un mihor Aruba mayan pesey e ta hopi esencial cu Gobierno ta inverti den nos hobenan di famianan di menos recurso pa sigura nan asistencia na scol. Un di e decisionan cu a wordo tuma durante di e Dialogo Social ta cu lo aumenta e suma di “schoolkinderentoeslag” di 100 florin, cu 100 florin mas. Den futuro esey lo nifica pa mayornan cu ta cobra onderstand lo haya 200 florin pa luna pa yuda cu e necesidadnan pa nan yiunan bay scol. E decision aki ta hopi bon pa-sobra ainda tin mucha cu ta falta scol

regularmente pasobra e necesidanan basico ta ausente. Mayornan den futuro mester cumpli cu nan deber pa percura pa usa e placa aki pa cu e necesidatnan basico di enseñansa pa nan yiu. Mester paga placa pa Scol, cumpra uniform, percura cu tin cuminda den cas, etc. Ta responsabilidad di cada mayor pa cumpli cu esaki cu lo ta na bienestar di nan yiu. Un mucha cu tin hamber no por funciona na scol optimalmente. Banda di e aumento di “schoolkinderentoeslag” mester bin un control aserca pa percura cu e mayornan cu ta cobra onderstand ta usa e placa debidamente. No por ta asina cu un mayor cu a haya un aumento, ainda ta sigui keha of cu e no ta cumpli cu su responsabilidadnan. Nos ta hopi conciente cu hopi famia awendia ta pasanda den duro y cu tur cos ta caro pesey Gobierno ta duna un man pa yuda alivia e situacion aki. Durante e Dialogo Social hopi preocupacion di nos pueblo a bin riba mesa y a toca na Gobierno y e diferente instancianan participante pa busca e solucionnan. Lo sigui cu e Dialogo Social den futuro pa asina por busca solucionnan pa eleva e calidad di bida di nos tur.



**YAMA NOS**

**HOTLINE**  
24 ORA DISPONIBLE

**733-8477**

**NA KI ORA, KI MOMENTO, PA CUALKE INFORMACION**



## Extreme Beach Training di Thai Boxing di Dojo Boye



**DIASABRA** ultimo Dojo Boye a organisa su Extreme Muay Thai Beach Training duna door di Rygell Boye cu tawata un exito. E muchanan a train hopi duro y tambe por wak e abilidad di e mucha muhernan tambe cu tawata hopi bon mes, pa ta participando na un sport asina duro. Nor kier a gradici fruteria Virgilio pa su cooperacion un biaha mas. Masha danki y sin laga afor e alumnonan cu tawata presente. Boso a train hopi duro, sigi asina.



## Campeonato Taekwondo Best of the Best 2010



**MAS** di 70 atleta for di 6 pais a participa den e torneo internacional “Best of the Best Maltin Polar Taekwondo Cup” cu a tuma lugar diasabra, 2 october 2010, den Centro Deportivo Betico Croes na Santa Cruz. E atletanan di exterior a midi forsa cu e atletanan local den diferente categoria di edad y di peso. E evento organisa pa Brazil Taekwondo Stichting a ser bon asisti dor di publico. Riba e combinacion di potretnan por mira algun di e combatenan di competencia di taekwondo. (Photo by Anthony Carlo).



# Gana Roundtrip pa 2 pa New York mas 1500 dolar

Durante "Cosmo Night" di L.G.Smith's Steak and Chop House.



L.G. Smith's Steak and Chop House E restaurant cu a trece pa bo e 'Cosmo Night' awor ta duna e chens di bay y conoce e ciudad cu ta inspira henter e concepto aki. L.G. Smith Steak & Chop

House ta lansa un promocion nobo, atractivo y emocionante cu cual lo hiba un gran ganado pa nada menos cu e ciudad cosmopolita pa excelencia, New York.

Abo hunto cu un acompañante por disfruta di "the big apple" pa tres anochi hospedando na e fabuloso Renaissance Times Square. Conoce e luganan iconico di e famoso serie 'Sex And The City' cu e bus-tour oficial cu lo hibabo rond di ciudad. Ademas di tur esaki, bo ta haya 1.500 dollar cash pa haci compras di pa fin di

aña. Djis imagina e experiencia y aventura cu bo por biba hunto cu bo pareha of bo amiga durante e viahe fabuloso aki. Pa participa ta sumamente facil y delicioso; djis haci bo reservación awe mes door di yama 523-6195 pa un cena diabierna anochi durante e 'Cosmopolitan Night' na L.G. Smith Steak & Chop House. Abo cu bo pareha, colega of amiga lo por disfruta di e cortenan eskisito di e mihor carni ademas di martinis delicioso. E sorteo final lo tuma luga dia 19 di November y e viahe pa New York mes lo ta di

dia 8 pa 11 di december.

E Cosmopolitan Night ta simplemente fabuloso. Forma bo grupo y bishita L.G.Smith's Steak and Chop House riba diabierna y cu cada cena bo ta ricibi un Cosmopolitan Martini gratis además di un 10 dollar match play coupon. Disfruta di un anochi di ratonan ameno, bon cuminda, bon bebida, bon servicio y crusa bo dede pa asina abo ta e ganado grandi di e campaña aki cu solamente L.G. Smith Steak & Chop House ta ofrece.

## Divi a tene un siman di deporte divertido



ASOCIADONAN di Divi Resorts a pasa e siman ta competi den varios area deportivo mientras cu e compania a tene su Siman Deportivo anual, segun informacion di Sharenda S. Clarinda, coordinadora di Recursonan Humano pa Divi & Tamarijn Beach Resorts.

E programa di actividad recreacional popular a inclui, bowling, volleyball, futsal, hersengymnastiek den forma di quiz di trivial pursuit, domino y softball.

Fiel na e dicho 'mens sana in corpore sano', esta un mente saludabel den un curpa saludabel, Divi Resorts ta mantene e nivel di intercambio social y recreacional halto.





# Funari preparando pa su famoso Bazaar na November

Funari ta e Fundacion Arubano pa personanan fisicamente limita di 18 aña bai ariba



**FUNARI** ta hopi bon conoci pa su famoso Bazaar cu ta wordo organisa tur aña den luna di November. Durante Bazaar di Funari, diferente obra traha dor di clientenan mes, ta wordo

bendi. Por pensa riba obranan traha di materialnan di naturala manera coco-lishi, scama di pisca, palo di lama etc. E aña aki lo tin materialnan di palo fini formando obranan

unico cu bo no lo haya ningun otro caminda. E obranan aki ta mayoria obranan pa decora bo cas den temporada di Pasco, un centerpiece pa mesa di comedor of sala of un obra pa decora cualkier parti den bo cas.

## Les di landamento ta reanuda



**SCOL** di Natacion Ban Progres ta participa na tur su alumnonan y nan mayornan y tambe na tur interesadonan (hoben y adulto) cu su lesnan di landamento ta wordo reanuda diasabra dia 9 di oktober 2010 proximo. Nos ta pidi nos disculpa pa e hecho cu durante e ultimo dos siman e lesnan no por a tuma lugar debi na problemanan tecnico cu e Piscina Olimpico Roly Bisslik a wordo confronta cu ne. Pa mas informacion por yama telefon: 5861184, 5933367, 5923432.

Nos email adres ta: banprogres.swimming@gmail.com

## Vlooienmarkt na Plaza Bookshop tabata un exito



**DIASABRA** pasa Plaza Bookshop a organisa un grandioso flea market dilanti nan bookshop den Avenida Milio Croes. Pa un dia so tabatin ofertanan super special riba buki, revistanan, articulonnan pa oficina y hopi mas. For di tempran caba tabatin hende wardando riba e parkeerplaats pa asina nan a haña e prome oportunidad pa cumpra nan articulonnan na prijs di baca flaco. “Nos ta hopi contento cu asina hopi hende a bin distruta di nos prome vlooienmarkt, sigur cu si nos lo ripiti esaki den futuro”. Segun Reinier van Sisseren, managing director di Plaza Bookshop.



**YAMA NOS**

**HOTLINE**  
24 ORA DISPONIBLE

**733-8477**



## Varios polis a bay na paradise pa atende un pelea formal



DIADOMINGO madruga a drenta informe di un pelea formal na Paradise na Tanki Leendert, a dirigi varios polis na e sitio. Na e sitio polis a encontra cu un hende tur na sanger y polis a ser avisa cu esey ta un di e hendenan cu ta ocasionando tur e problema. Polis a detene y a hibe warda di polis. Despues na warda di polis na Shaba a laga ambulans bini buske pa nan a hibe hospital pa tratamiento.

*Famianan kier mira un castigo mas halto*

## Fiscal a demanda castigo di 2 año di prison pa anciano di 76 año cu a mishi cu 3 criatura

DESPUES di tende Fiscal demanda un castigo di 2 año di prison p'e anciano, R. p'e hecho cu el a comete acto inmoral cu 3 mucha durante e periodo di october 2009 te cu januari 2010, nan no a keda nada contento. Den sala ta masha miembro di famia tabata presente, y manera menciona, nan kier a mira peso di ley baha riba e homber aki, kende awe kier pasa manera nada a sosode. Famianan a rabia tambe p'e forma con e abogado mr. Kock a trata di tilda cu e culpa mester ser busca cerca e famianan mes, pa cu percura mihor p'e bisticimento di e muchanan. Huez corectamente a hala su atencion. Mama di e criaturanan tambe tabata den Corte. Huez a pidi prensa, pa no haci mencion di nomber di muchanan, cu ta regla di Corte, y si famianan mes a haci

esey, ta pa nan responsabilidad, pero Corte si ta proteha e muchanan aki, cu ta victima. Despues di a tuma nota di e procesverbal, cuanto biaha e anciano R. a mishi of penetra cu dede e muchanan aki, Fiscal ta haya cu tin suficiente prueba, pa cual a demanda 2 año di castigo di prison p'e abusador R. Loke tambe a hala atencion den e caso aki, cu ora cu abogado mr. A. Kock a bisa cu si e muchanan a denuncia R. mas prome, lo por a evita e hec-onan aki. Huez a para e abogado, y a bisa mira kico ta sosodiendo awor den Iglesia Catolico, unda personanan a keda pa año largo keto y awor ta bin dilanti. Asina mes, e culpabelnan mester ser castiga. Huez a duna di conoce cu dia 22 di october awor, e lo duna veredicto den e caso aki.

## Turista coriendo quadracer a pasa banda di auto y a rasca esaki



DIASABRA atardi a drenta informe di un accidente entre un quadracer y un minibus di dienst pazuid di Ayo Rock Formation, despues di basta rato un patruya policial a yega na e sitio. Na yegada di e patruya a constata cu aki ta trata di un simpel rasca den banda pero debi cu aki ta trata di un dienstwagen polis mester bin traha un rapport di e susedido.

## Helicopter di polis a bay yuda 4 persona perdi entre Savaneta y Parke Arikok



DIASABRA atardi a drenta informe di cu tin 4 hende perdi entre Savaneta y Parke Arikok algun familiares a sali bay rondia nan pero no por a haya nan. Mas despues cu e ayudo di helicopter a guia esnan perdi na esnan cu tabata buscando nan. Finalmente nan a topa otro y e helicopter a indica nan e ruta pa sali.



## Chofer cu a ocasiona accidente a core bay, su 2 amigonan si no a logra



DIADOMINGO madruga a drenta informe di un accidente di hit & run y nan ta coriendo su tras, un rato despues a drenta otro informe cu a logra para nan banda di Rams Muffler y eyan a start un pleitamento, mientras e pleitamento a start e chofer mes a core bay lagando atras 2 amigo cu tabata cune den e auto. Na yegada a bin constata cu e chofer di e Toyota Tercel berde A16163 a core bay, mientras 2 amigonan a keda atras y kier a bringa cu esnan cu a sigui nan. Ta asina cu e Tercel aki a bay dal tras di un Toyota Fortuner preto TNC. Polis a detene e 2 amigonan aki y banda di nan auto a haya 2 sakito cu un substancia parecido na droga. Na warda e agentenan durante interrogacion lo haya tur detaye.



Esaki ta e siman di 10-10-10

# Awe "E Biento di cambio" lo pasa na Magic Fm Aruba y Direct Fm Corsow



**DIA** 10 di october un Reino nobo ta bay surgi. Un Corsow nobo tey nace, mescos ta conta pa Bonaire, St. Maarten, Saba y St. Eustatius. Despues cu nos isla Aruba a pasa dor di e proceso di cambio di su estructura estatal, despues di 25 aña, ta turno di nos hermana islanan di Antiyas. Un proceso cu pa Aruba no tabata facil, pero a bira e logro mas grandi pa un pais. Awor cu tanto Corsow como e otro islanan ta na punto di pasa dor di e mesun cambio estatal aki, ta na su lugar pa haci un parentesis y dedica un programa special n'e 'momentum' importante aki pa cada pueblo. Un hecho asina aki no ta un proceso di un dia pa otro, pero mester conta cu gobernante, politiconan cu curashi y cu un amor inmenso

pa nan pais, pa logra cu algo asina tuma lugar finalmente. Hendenan cu diplomacia y cu conocimiento di e materia, cu por negosha y laga semper nan pueblo sali victorioso despues di tur cos. Manera cu Premier di Hulanda mes a bisa, esta Jan Peter Balkenende, "esaki ta comienso di cosnan cu lo mester tuma lugar", pues nos ta desea nos rumanan di Antiyas tur clase di exito den e rumbo nobo aki. Giovanni Muller a haya e bunita proyecto aki den su man p'e prepara y presenta un documentario di e taya aki na Magic 96.5 fm y Direct FM na Corsow. Tiara Air como empresa cu ta conecta e islanan aki hunto, no a pensa dos bes pa duna apoyo na un produccion di e tamaño aki. E programa special aki tin como meta pa un y tur por yega na comprende kico e momento historico aki ta representa pa cada pais. 10-10-10, Un fecha simbolico cu lo keda graba den memoria di nos tur como e fecha cu Antiyas ta bay stop di existi. Cu un Reino nobo tey nace. E programa special aki lo ser transmiti pa Magic FM awe 4 di october pa 6 pm di atardi y lo ser ripiti diasabra y diadomingo esta 9 y 10 di october pa 10 or di mainta. E programa aki lo ser presenta na hermana isla Corsow via Direct FM y tambe na Bonaire. Den number di Magic 96.5 como productor ehecutivo y Giovanni Muller productor, ta desea di gradici Tiara Air p'e patrosinio di un documental cu un balor historico p'e islanan cu nos ta considera nos rumanan. Laga "E biento di cambio" sirbi como un inspiracion mas pa nos tur sigi traha na bienestar di nos pais y nos pueblonan.



*Nan yunan Eldrick i Ashline Dijkhoff ta dedica e poesia aki na nan mayornan Mary i Gabriel Dijkhoff-Kelly celebrando dia 4 di Oktober 2010, 25 anja di matrimonio "BODA DI PLATA."*

*"MARY I GABRIEL."*

*Riba veld di baseball a conoce otro Gabriel "Chiki" ta su number di carino su wowonan i sonrisa a penetra e alma di e damita Mary sinta riba e tribuna un noriazgo di 5 anja te dia cu a acepta unda dos curason enamora cu tabata cla pa drenta e boto di bela sin mira patras bisando un si na otro sin a pensa mas ainda ta bibando den e historia di amor aceptando tur olanan di derota cu balor a pasa den mal tempo hunto sin miedo siguiendo e ruta firme sin tin fracaso formando un nido na unda nacemento di nan dos yiu a haci nan contento 25 anja a pasa lihe i te ainda e palabra mi ta stimabo a keda existi cu dulzura ta gradici Papa Dios pa e union bunita cu a keda entre dos alma cu si a stima unda awe i pa semper nos ta orguyoso di nos mayornan un pareha maravilloso forma pa Gabriel "Chiki" i Mary.*

*Autor : Omaira I.Rodriguez-Britten*

## Ladronnan a destrui porta di negoshi na Rococo Plaza pa drenta horta



**DIASABRA** madruga a drenta informe di cu ladronnan a kibra porta di Elmax na Rococo Plaza, a dirigi polis na e sitio. Na yegada a bin constata cu e ladronnan a corta e candal di e porta di hero di e negoshi, despues destrui e porta di palo completamente y a drenta den e lugar y a bay cu un poco placa larga cu tabata tin den e lugar. E doño a keda di haci un inventario pa asina logra saca afor kico mas e ladronnan a bay cune. Loke ta straña nos ta cu e ta un lugar den banda di e caminda principal entre e rotondenan di Tanki Leendert y Paradera unda varios auto ta pasa y aparentemente ningun auto a nota algo pasando eynan.



Ayera 3 di october a cumpli un anja mas di bida e tata y casa di mas lief HUZAM KOOLMAN masha pabien dushi ta bin parti bo 2 baby girl stacey y shaneika y di bo sweet girl maria elena y tambe di full e crew di post, di tur bo friendsnan (A) rumanan, sobrinonan, tantanan, mama, tata, y wela y demas famia aki na aruba y na hulanda y sin lubida e suegranan na venezuela. dushi bo ta muahhhhhhhhhhh!



# Homber bou di influencia a cay den baki di mata

ASISTENCIA di polis a wordo pidi diasabra cuarto pa diesun di mainta na un cas na Cashero, caminda un homber burachi a cay den un baki di mata y no por a lanta. Na e cas polis a papia cu e doño di e cas, kende ta bisa polis cu e homber P, a cay den e baki di mata. Polis a papia cu P, pero e no ta reacciona. Despues di un rato, el a lanta y a trompeca y a dal su cabes na un troncon di mata. El a haya un kap na su wowo robes. Polis a hibe warda, el a haya tratamiento pa personal di ambulance, y despues a keda detene pa pasa su buracheria.

# Homber burachi kier choca su casa y menase cu cuchiu

ASISTENCIA di polis a wordo pidi anochi binti pa dies na un cas na Cas Ariba pa un menasa cu cuchiu y maltrato. Na yegada polis a papia cu e señora, kende a bisa polis cu su casa E.D. naci na Aruba di 55 año, a tene na su garganta y e tabatin un cuchiu den su man, cu cual el a menase. E.D, e momento ey tabata drumi, pero polis a bay papia cune. Ela bisa polis cu e casa ta gaña. El a rabia y a lanta contra polis. Polisnan a detene y a hibe warda, e la keda sera.

# Dos mucha di diesdos año, despues di 12or anochi riba caya


DURANTA patruya diadomingo algo pasa di 12or. Polis di Noord ta mira dos mucha di 12 año, sinta riba piedra dilanti di Palm Beach Plaza. Polis ta bay cerca nan y nan ta bisa cu nan a bay fiesta y ta warda riba nan mama pa bin buscanan. Mirando e ora, polis a keda compañanan un rato wardando riba e mama, pero ora cu e mama a tarda, polis a hibanan warda. Despues e señora M.R. naci na Aruba di 26 año a bin warda, y ta bisa polis cu e ta nan tanta. E ta bisa polis cu nan a bin keda cerca dje, pero nan tin permit di e mama pa sali. Polis a papia cu e tanta y a mustre riba e consecuencia di laga mucha chikito riba caya e ora ey. El a compronde.

# Choller ta haci doño di cas pa usa droga

ASISTENCIA di polis a wordo pidi diadomingo algo pasa di uno di madrugada, na un cas den Diamant-bergweg. Eynan bisiñanan a bisa polis cu nan a mira un choler kibra drenta den un cas. Polis a bay y ta topa cu e conocido J.R. naci na Aruba di 33 año den e cas y tabata usa droga. Polis a scual y a sake for di e cas. El no kier a tende y a resisti. Ora cu el a haya un klop, el a core bay. Mas despues polis mester a bolbe bay bek, como cu el a bolbe bay bek na e cas, pero polis no a topa cune.

# Problema di pelea y menasa na Tanki Leendert

PRESENCIA di polis a wordo pidi diadomingo 4.30 di madrugada, tin un pelea. Na yegada polis a papia cu e guardia, kende a bisanan cu e homber J.M.P. a menasa y maltrata nan. Polis a mira P, kende tabatin un kap na su cabes, pero e ta bisa cu tur cos ta bon. Mirando cu tabatin hopi hende ainda na e luga, polis a mandanan for di e luga y a sera e bar. Pafo, polis a topa cu e homber E.P. naci na Aruba di 34 año a bisa polis cu e homber D.V.O. naci na Colombia di 27 año a bringa cune. D.V.O. tabata bou di influencia di alcohol, y a keda deteni. E tambe tabatin un kap na su cabes. Polis a hibe poli pa tratamiento y despues a hibe warda. Ora cu e bay controla su papelnan, a resulta cu e no tin permit. El a keda entrega na Warda Nos Costa cu ta sigui cu tramitenan pa e wordo deporta.



MIENTRAS un cacho eyfonan ta blaf  
Tin otro ta keiro banda di waf  
Mientras un pushi ta cana riba cura  
Un chuchubi ta pasa bula pura  
Den corant mi ta lesa di un otro burico cu a nace  
Sigur sigur, riba un cabrito e no ta parce  
Potretnan bunita di fotografo Greg Peterson colga den aero-  
puerto  
Pa disfruta di nan, na salida riba un otro buelo  
Bo ta mira shoco, warawara y hopi mas  
Cu no ta bestianan pa tene den haula na cas  
Ki bunita e trupiaal ta canta riba e waya di coriente  
Hasta prikichi, cangrue, piskechi y pisca ta bini na mi mente  
Dia di bestia, ah, den mi fantasia ta dia di tur  
Bestia chikito, bestia grandi,  
Tambe morocoy den su tanki  
Awel, lo mi sigui disfruta di e dushi fauna di Aruba  
Cu gradicimento na curason pa tur e instancianan cu ta yuda  
Pa conserva e tiki cu nos tin ainda  
Y ni maske yuwana ta un dushi cuminda  
Mi ta spera cu hopi lo tey pa semper rond di nos  
Pa e balansa di naturalesa cu ta bendiciona pa Dios  
Sigui inspira nos y muestra nos dia pa dia  
Cu un bon cacho of un bon pushi den famia  
Ta trece hopi alegria cu nan compania !!  
Pabien Rabito riba dia di bestia  
Riba Sissy (dmf) mi tambe ta pensa  
Pero awor mi tin cu core cu e cacho di bisiña  
Cu ta den mi cura ta bin haci su porke.....  
Ah , ta Dia di Bestia djies aki.....  
Y mi tambe ta stima bestia, si  
Mi ta spera cu tur cu tin bestia di cas , cuida nan bon  
Pasobra bestia tambe tin curason !!!  
Y laga esunnan cu ta mas alegre liber den nan libertad  
No gara nan, no matanan, permiti nan goza di nan felicidad !!  
Mi ta haña falta di tende e gai canta su kokoyoko  
Haci algo pa esakinan, prome cu nan tambe bira mucho poco...  
P.S. E boanan si por wel di wordo mata....  
Promer cu mas animalito cu morto wordo menasa ...  
..  
Ruthy" Lady Ruth" Vrieswijk-Bergen  
Aruba, 4 Oktober 2010



# Homber ta bisa cu guardianan a maltrate na oficina di Impuesto

DIABIerna merdia algo despues di 10or, un homber a bay warda di Polis na Oranjestad y ta bisa cu dos homber bisti na blauw a maltrate pafo di oficina di Impuesto. E ta bisa polis cu el a bay busca papel di impuesto, y nan a bise cu e luga a sera e mester bolbe 1'or. Mirando cu no ta skirbi ningun caminda cu e luga ta sera, el a bisanan cu e no ta sali y a bisanan yama polis pe. Un trahado hunto cu dos guardia a sake pafo y nan a maltrate. E ta bisa cu nan a kibra su holoshi tambe. Polis a mustre cu e mes ta fout. El a rabia y a cuminsa haci fastioso. Polisnan a sake for di warda tambe.

# Homber a forsa porta di apartamento di su ruman

E muhe O de L S, di 57 aña, a pidi asistencia di polis pa su ruman homber de L, di 53 aña, kende sin su permit a forsa porta di su apartamento den su cura y a pone su pertenencianan aden. E ruman muhe ta bisa cu e ruman homber a bise cu ningun hende por sake for di e apartamento. Polis a haya e ruman eynan, y a splica polis cu el a perde su cas, como cu nan a pone beslag riba dje. E no tin luga di bay, y como cu su ruman tin un apartamento basta tempo sera, el a dicidi di bay biba eyden. Polis a mustre cu e mester di autorisacion di su ruman. EL a bisa polis cu e ta bin busca su cosnan mas despues.

# Guardianan ta maltrata 6 persona, entre nan 1 handicap

POLIS a bay diasabra madruga 1.30 den e hotzone, na haltura di e hotelnan, caminda un guardia a maltrata seis hoben. Na yegada polis a papia cu e hobennan, y nan ta bisa cu nan tabatin discusion cu e guardia na porta di un restaurant, y el a maltrata nan. Polis a mira cu e homber I.C. kende ta un handicap ta benta riba vloer y no ta reacciona. Polis a bisanan pa nan bay poli pa tratamento y despues duna keho na Recherche.

# Problema y pelea pa labamento di paña

PRESENCIA di polis di Oranjestad a wordo pidi diasabra 5.14 di mainta na un cas den Emanstraat, pa un pelea y un persona lo ta herida. Na yegada polis a papia cu e homber J.P.G. naci na Venezuela di 47 aña, kende ta bisa polis cu el yega cas y a bay papia cu su amigo J.P.N.M. cu tabata laba paña den cas. M. no a keda contento cu J.P.G, y a dale na su oreja y tambe a bente cu algo cu a dale riba su pia drechi y heride.

# Hoben cu cuatro hinca den su lomba

DIADOMINGO madruga, durante cu polis tabata di patruya den Helfrichstraat, nan ta wordo acerca pa e mucha homber F.B. naci na Aruba di 20 aña, a acerca nan y a bisa nan cu el a wordo hinca. Mirando cu e cayanan tabata druk, y ambulance no por a drenta, polisnan a hibe Centro Medico pa tratamento. Eynan a resulta cu e tabatin cuatro hinca den su lomba. Ambulance a hibe hospital, caminda el a keda interna. Su situacion ta stabiel.



**Aurora**  
*Funeral Home*

Cumana 76  
 Oranjestad, Aruba  
 Tel: 588-6699  
 Fax: 588-6698  
 Cel : 593-0857 / 560-1403

“Wat de toekomst brengen moge, mij geleidt des Heren hand”

Is gaan rusten:



**Mw. Helena Croes- der Meer**  
**Geboren op: 01-03-1929**  
**Overleden op: 02-10-2010**

De begrafenis zal op een later tijdstip worden vermeld.

Awe 4 october ta hasi 5 aña Cu




**Cipriana Tromp- Kelly**  
**cariñosamente jama “jojo”**  
**a bay sosega pa semper.**

Un Mama, Wela, bisa Wela, Tanta y amiga cu su humildad , carisma y semper cu un sonrisa. A sa di organisa su mes un despedida y laga tras su herencia spiritual pa tur su ser kerinan y esnan cu a stime.

**“Jojo” Su Oración pa bisa danki**


Señor Jesús,  
 Mi ta agradeci di hopi cos y mi kier bisa bo danki,  
 Pa tur cos bon cu bo a duna mi.  
 Pero mi kier a bisa bo danki pa semper tabata tey banda di mi den bon y malo. Manera un amigo cu nunca sa faya.  
 Danki Señor



**Aurora**  
*Funeral Home*

Cumana 76  
 Oranjestad, Aruba  
 Tel: 588-6699  
 Fax: 588-6698  
 Cel : 593-0857 / 560-1403

Di henter nos curason nos kier a gradici tur persona cu a compañía nos /demostra nan atencion durante enfermedad, fayecimento y entierro di nos esposo, tata, welo, bisawelo, suegro stima:



**Sr. Balbino P. Figaroa**

Nos ta gradici Dr. Jac v.Veen, Dr. Alex Ponson, Dr. Benjamin Croes, enfermeranan di Dr. H.O.H., Wit gele kruis pa nan excelente trato cu nos tata a ricibi for di nan.

Un danki special pa Aurora Funeral Home pa nan servicio excelente y Mr. Jack Tromp.

**Alaves nos kier hasi un invitacion pa 3 santo sacrificio di misa:**

Dialuna 4 oktober 2010 pa 6:30 p.m.  
 Diaranson 6 oktober 2010 pa 6:30 p.m.  
 Diasabra 9 oktober 2010 pa 7:00 p.m.  
 Na misa Santa Anna na Noord.

Despues di misa diasabra tin un Rosario pa descanso di alma di Sr. Balbino Figaroa. Masha danki den nomber di Famia Figaroa. Boso presencia lo ta altamente aprecia.



## Aruba Limpi

- Ta Chapi
- Corta tur sorto di mata y/of troncon
- Ta recohe sushi
- Mantention semanal/ mensual
- Tel: 738 7943



I ora nos caba nos mes ta hiba na Dump

## TROPICAL RADIATOR



E MIHOR SERVICIO, E MIHOR CALIDAD,  
E MIHOR RADIATOR, I E MIHOR PRIJS  
FOR ALL YOUR RADIATORS NEEDS!!!  
YOU NAME IT WE MAKE IT !!!!

CAYA G.F. BETICO CROES #248 ORANJESTAD - ARUBA  
TEL/FAX 297-5821802 CEL. 5923661/7379999



## Quality

MOVING & TRANSPORT  
cell: 594-1550 / 594-1826

Muda sin dolor di cabez.  
Esta facil, Moving is hard.  
Let us do it for you

We are small, but we can handle them all!!



## BULA JUMP

PA TUR FIESTA  
PA MUCHA  
YAMA

5923523 / 5838769



## Panaderia del Pueblo

"Wonda Loaf"

Guyabastraat 4, Dakota Tel: 582 4748



STICHTING VOOR VOLKSHYGIENE VAN  
**Het Wit Gele Kruis Aruba**  
Sinds 1959 ten dienste van de Arubaanse gemeenschap  
Tel. 5824444/ Fax: 5824411

### INFORMACION PA HENDE CU TIN SUCU

Por ta cu bo tin sucu ( diabetis),pero bo no tin (hopi) keha.  
Bo ta sinti mi mes bom,anto bo ta pensa cu e no por ta tan serio .Esaki ta un peliger di e malesa di sucu !  
Ora e nivel di sucu ta un tiki halto y bo no ta sinti nada malo,toch e sucu di mas por causa daño na bo curpa.

Ta importante pa controla e nivel di sucu regularmente.  
Asina bosa cu e sucu ta bao control !

**PA MAS INFORMACION : 582-4444**

## VOLKS GARAGE TOWING AND PARTS



- PRIJS SPECIAL PA TUR TAYER
- SERVICIO DI GRUA 7 DIA PA SIMAN
- NOS TA BENTA AUTO BIEW DEN DUMP
- SI BO YABI DI ABUTO KEDA DEN AUTO YAMANOS!

**Special p'e dianan aki!**  
**Paga AFL: 50 so!**

**Mahuma 24-B TEL: 748-2500 / 743-6300 / 5604579 / 743-1990**



Caya G.F. Betico Croes 63  
Oranjestad, Aruba, P.O. Box 5179  
Tel: (297) 582-6367 Fax: (297) 582-6467  
email: seasonsandmore@hotmail.com

OFFICE - SCHOOL - GIFTS & MORE

Pa tur bo articulonan pa school of oficina. Tarjetanan pa tur ocasion, markers pa hunga Bingo y mucho mas.  
Nos ta situa de caya principal





## E.H. ALUMINIUM EXPERT

PORTA, BENTANA, HEKWERK  
PA CAS Y PA NEGOSHI, INSTALACION  
DI GLAS Y REPARACION GENERAL

**Nos ta cumpli sigur !**

Contact:  
Ermelyne Hoevertsz  
Seroe Patrishi 14D  
Tel: 742-1800 Fax: 583-0960  
email: aluminium.expert@gmail.com



# Resultado di Loteria

### LOTTO CATOCHI

| DIASABRA 02 | DIADOMINGO 03 |
|-------------|---------------|
| 1794        | 5449          |
| 7037        | 9438          |
| 1716        | 8379          |

### ZODIAC

| DIASABRA 02 | DIADOMINGO 03 |
|-------------|---------------|
| 9416        | Libra         |
| 1634        | Capricornio   |

### BIG FOUR

| DIASABRA 02 | DIADOMINGO 03 |
|-------------|---------------|
| 4251        | 9489          |

### SUPER FOUR

| DIASABRA 02 | DIADOMINGO 03 |
|-------------|---------------|
| 0593        | 2771          |

### Sto. DOMINGO

0433  
4434  
1684

### LOTTO PA DEPORTE

01-13-24-25-31 letter **M**  
Joker **30**

### LOTTO DI DIA

12-13-19-24-28

### LOTTO FLORIDA

06-17-30-34-39-47

### LOTTO FLORIDA POWER BALL

12-20-30-36-47 PB 25

## DIARIO

| DIASABRA 02 | DIADOMINGO 03 |
|-------------|---------------|
| 4994        | 4020          |
| 9136        | 0270          |
| 3436        | 9308          |

## CORSOW

| DIASABRA 02 | DIADOMINGO 03 |
|-------------|---------------|
| 2168        | 3753          |
| 1949        | 4264          |
| 4761        | 0941          |

## Servicio pa Comunidad

### Telefon di Emergencia

|                      |           |
|----------------------|-----------|
| Number di emergencia | 911       |
| Polis                | 100       |
| Brandweer            | 582-1108  |
| Ambulance O'stad     | 582-1234  |
| Ambulance S.N.       | 584-5050  |
| Hospital             | 587-4300  |
| Centro Medico        | 524- 8833 |

### Botica na Warda

Pabou di Brug: Botica del Pueblo  
Pariba di Brug: Botica

### Dokter na Warda

Pabou di Brug: dr.  
Pariba di Brug: dr.

### Otro Servicionan

|                       |          |
|-----------------------|----------|
| Setar Info            | 118      |
| Digicel Info          | 145      |
| Setar                 | 582-5151 |
| Elmar                 | 582-3700 |
| WEB                   | 525-4600 |
| Serlimar              | 584-5080 |
| Rode Kruis Aruba      | 582-2219 |
| FADA                  | 583-2999 |
| AA/NA helpline        | 583-8989 |
| Fund. Abuso Sexual    | 582-4433 |
| Fundacion Guia'mi     | 587-1677 |
| Fund.Muher            |          |
| den Dificultad        | 583-5400 |
| Fund.Tel. Pa Hubentud | 131      |
|                       | 588-6138 |
| Accion Rescate        | 584-2718 |
| Centro Kibrahacha     | 588-3131 |

### Polis

|                            |          |
|----------------------------|----------|
| Polis Tipline              | 11141    |
| Oranjestad.                | 582-4000 |
| San Nicolas                | 584-5000 |
| Savaneta                   | 584-7000 |
| Santa Cruz                 | 527-2900 |
| Noord                      | 587-0009 |
| Strandpolitie              | 586-3003 |
| Balashi                    | 585-2500 |
| Aeropuerto                 | 524-2424 |
| Aruba Transfer Tour & Taxi |          |
|                            | 583-2856 |
|                            | 582-2116 |
| Best Taxi Services         | 588-3232 |
| Coop. Ver. Tas             | 587-5900 |
| ATS                        | 583-5361 |
| Arugas                     | 585-1198 |
| S.O.S. Teleayudo           | 583-1190 |

**EDITA PA:** The Media Group,  
Margrietstraat 3, Oranjestad, Aruba,  
tel.(297) 583-1400, fax. (297) 5831444,  
**E-mail:** noticia@awemainta.com.

**CUENTA DI BANCO:** C.M.B. #229-82600.

**ABONEMENT** Afl.25,00 pa luna.

**ORA DI OFICINA:** Dialuna pa Diabierna  
8 a.m. - 5 p.m.

**IMPRENTA:** Imprenta Nacional Arubano.  
**DIRECTOR:** Victor "Toko" Winklaar &  
Victor R. Winklaar  
**REDACCION:** noticia@awemainta.com.  
**BENTA DI AVISO:**  
sales@awemainta.com




# Polis ta intermedia den problema y pelea na un cas na Ponton

ASISTENCIA di polis a wordo pidi diasabra atardi cuarto pasa di cuatro na un cas na Ponton, un pareha tin problema cu e doño di cas. Na yegada polis a papia cu e homber G.V., kende a bisa polis cu su amigo un tal B, a busca problema cu su amiga C.R. naci na Colombia di 28 aña. G.V. ta biba hunto cu su amiga den cas di B. Polis a papia cu B, y e ta bisa polis cu e no kier e pareha mas den su cas. E pareha a dicidi di bay for di e cas y a piki nan cosnan y a bay di eynan. Mas laat, polis a bolbe bay bek na e cas, caminda tin un otro problema. E biaha aki, ta B a haya problema cu su amiga C.R. y a dale cu algo duro. C.R. tabatin un kap na su cabes. Polis a papia cu G.V., kende tambe tabatin un herida. E ta bisa cu el a bay defende C.R. y el a haya sla. Polis a detene B, y a hibe warda.

## Boutique Keyla

Paradera 84. Tel: 582-1164 / 593-1189

Nos ta ofrece  
Paña size small te cu 3x  
Pa hoben te cu hende grandi di bon gusto  
y pa tur ocasion. Nos tin layaway plan.



## PINOCCHIO

Kerkstraat #16 - Tel: 582-2266

### BLAAS A JEGA!!!!

DEN TUR COLOR Y SIZE

TAMBE NOS TIN  
SCHOMMEL SET

PINOCCHIO  
582-2266  
564-1977



## Urgently Require DUTCH TUITION TEACHER

- Must tutor at our residence in Malmok
- Grade 3,2 & 1 students
- Strictly Dutch

Interested please contact  
593-9648

## COMEHEIN ?

Nos ta ofrecebo e mihor  
producto: **TERMIDOR.**  
Contact nos!

**KROZENDIJK Pest  
Management & Supplies NV**

Tanki Leendert 10B Unit 11  
Tel.: 588-0015 /582-4812

## NANKANG

Unlimited Parts &  
Enterprises N.V.  
Performance Tires



All Parts  
in stock &  
accessories

TEL: 583 1001  
MORGENSTER 12 - B

## CLASIFICADO

### 3 DIA PA SOLAMENTE 25 FLORIN

YAMA 583-1400 | EMAIL:  
AVISO@AWEMAINTA.COM

| TIPO DI CAMBIO OFICIAL       |               |   |                  |
|------------------------------|---------------|---|------------------|
| Valido pa 4 october 2010     |               |   |                  |
| Placa Extranhero             | Bank Papieren | Wisselen, Cheque Reis Cheque en Over Boeking en | Benta na Publico |
| US Dollar                    | 1.77          | 1.78  | 1.80             |
| CAN Dollar                   | 1.71          | 1.73  | 1.75             |
| Engelse Pond Sterling        | 2.75          | 2.80  | 2.86             |
| Zwitserse Frank per CHF. 100 | 181.92        | 182.64  | 183.44           |
| Ned.Ant. Gulden per ANG. 100 | 98.00         | 100.00 biljetten chq./overboeking               | 100.20 100.00    |
| Japane yen per JPY. 10.000   | 212.02        | 213.96  | 216.11           |
| Euro per XEU. 100            | 242.26        | 244.47  | 246.92           |



**Provision di Devisa 1.3%**  
Segun articulo 12 di Afkondigingsblad di Aruba 1991 nr.GT 32.  
Banco Central di Aruba ta defini e tipo di cambio oficial pa e cambianan di placa extranhero.

## BANCO DI CARIBE

## Labco

**MEDICAL / HOME HEALTHCARE**  
RENTAL/SALE of Medical & Home- Healthcare

- \* Wheelchaires
- \* Beds
- \* Walkers
- \* Bathchair
- \* Commodes
- \* Crutches / Canes
- \* Oxygen Concentrators/Cylinders

**Difficulty Walking**  
Rent a portable electro scooter  
(Fits in all cars, trucks, 41lbs).



**Tel: 582-6651 Fergusonstraat #52, Dakota**

## Horoschoop



### Aries

21 Mrt - 20 Apr

Awe ta algo aventurero pa bo y cu hopi ansha di libertad. Pensa e cosnan bon. Bo kier basila den amor y al final bo ta sali pèrdi si bo no tuma e sentimentonan na serio.



### Tauro

21 Apr - 20 Mei

Bo palabra sabí, directo y convincente ta lagábo resolvé efectivamente tur conflicto. Probechá e dia pa pone e cosnan na su lugar y aclará cosnan bruhá di bo bida.



### Geminis

21 Mei - 20 Jun

Tuma e cosnan cu calma. Últimamente bo tabata di un banda pa otro sin tuma descanso. Probechá lo mihór b'e tempo si bo ta organisá for di tempran y mantenébo fie na bo plannan.



### Cancer

21 Jun - 20 Jul

Algo cu a keda incluso di bo pasado ta ripití pa awor bo dun'e solucion. Maniá, obsesionan ta desaparecé di bo mente.



### Leo

21 Jul - 20 Aug

Desaroyá pasenshi. No malgastá bo energia y purba convencé otronan. Permití cu sea t'e tempo lo dunábo e rason.



### Virgo

21 Aug - 20 Sep

Bo interes ta concentrá den bo trabao, profesion of estudio. Ta momento di actua y di haci proyectonan. No tene miedu di mustra bo ideanan.



### Libra

21 Sep - 20 Okt

Si bo no ta na gusto cu loke bo ta realisá, bo ta sentib'e frustrá y amargá. Ta momento di comunicá cu otronan. Busca e personanan cu ta compartí bo ideanan.



### Scorpio

21 Okt - 20 Nov

Bo imaginacion ta exaltá pa loke ta bon momento pa pone na marcha e proyecto. Si bo no haci e intento, nunca bo no sa si bo a logra e éxito..



### Sagitario

21 Nov - 20 Dec

Bo confianza, bo aparenzia y bo energia renobá t'e combinacion perfecto pa bo éxito. E ayudo familiar y amistad no ta falta.



### Capricornio

21 Dec - 20 Jan

Placa ta yega awor di fuentenan inesperá. Bo opinion ta awor hopi balará. Bo ta wòrdo reconoci den bo trabao. Discusionnan constructivo ta lagábo logra loke bo ta deseá.



### Aquarius

21 Jan - 20 Feb

Dera e pasado y biba plenamente e momento presente. Tu loke yega na bo bida ta dunábo un lès.



### Piscis

21 Feb - 20 Mar

Asuntonan di famia cu mester ser discutí ta bon aceptá. Busca unda bo por establecé, sintib'o sigur, felis y pone tu bo empeño pa logra nan.



## Siman di Lechi di Pecho

# Loke e cifranan ta bisa na Aruba

TA indiscutibel cu lechi materno ta e miho comienso cu un mama por duna su yiu. Organizacion Mundial di Salud (OMS) ta recomenda pa tur mucha haya por lo menos dos aña lech'i pecho, di cua e prome 6 lunanan exclusivo. Ta e ora ey so tanto e mama como e yiu por disfruta plenamente di tur e bentahanan di e lech'i pecho. Con ta para cu e cifranan di lech'i pecho na Aruba?

Na 2002 Departamento di Salud Publico (DESPA) Aruba a haci un encuesta di prevalencia di lechi materno.

Na 2002 menos cu 10% di baby a haya lech'i pecho exclusivamente den e prome luna. Y e porcentahe aki ta baha continuamente te na 0% den e di 5 luna. En total rond di 80% ta cuminsa cu duna lech'i pecho na nacemento, sea exclusivamente of combina cu otro alimento, pero esaki tambe ta baha masha lihe. Na

augustus-september di 2010 a ripiti e encuesta aki. Kico e cifranan ta bisa awor?

Na 2010 25% ta haya lech'i pecho exclusivo den e prome luna. Esaki ta mas cu dobel compara cu 2002. E cantidad di persona cu ta cuminsa duna nan yiu lech'i pecho a keda rond di 80%, pero distinto di aña 2002 e ta keda mas stabil rond di 70-80% te cu rond di 3 luna, loke sigur ta un tremendo aumento.

E aumento aki ta sigur un mehoracion. Y esey ta danki na e esfuerzo di tur e profesionalnan di salud den cuida materno-infantil, manera na Verloskamer y Kraamafdeling y Kinderafdeling na Hospital, Wit-Gele-Kruis, CIZKA, pediatra, gynaecologo y partera cu ta sigui anima mamanan pa duna na yiu pecho. Y di mes, no ta lubida tampoco riba e mamanan mes, cu kizas a pesar di contratiempo (na cas, na trabao, etc.) ta scohe toch pa duna nan yiu lo mihor.

No mag lubida e trabao incansabel di tur e bolunari-onan di Fundacion Pro Lechi Mama Aruba, cu dia tras dia ta duna di nan tempo liber pa asisti mamanan directamente pa duna nan yiu pecho.

Sinembargo, nos no por canta gloria ainda. Ora nos compara Aruba cu paisnan den cercania, nos ta mira cu Aruba ta keda como un di e paisnan cu un lechi materno hopi abao.

Solamente Surnam y Republica Dominicana ta mas abao cu Aruba den cifra di lechi materno. Mundialmente e cifra ta mas cu 4 biaha mas tanto cu e cantidad cu na Aruba. Esaki ta muestra nos cu, aunke tin aumento di lech'i pecho na Aruba, tin hopi trabao ainda pa haci. Mester concientisa tur mama riba e bentahanan pa duna pecho y riba e desbentahan grandi pa cria nan yiu cu lech'i bleki. Pues, man na obra, boso tur cu ta traha den cuida materno-infantil!

Parokia di Dakota ta informa

## “Novena na honor di La Virgen Di Fatima”

PASTOR Daniël ta invita tur Paroki-ano, comunidad Portugees y Pueblo di Aruba en general pa asisti na un novena na honor di La Virgen di Fatima, patrono di Misa di Dakota. E novena lo cuminsa dialuna 4 di oktober pa 6 or p.m. y lo sigui asina tur dia despues, pero solamente riba diadomingo dia 10 di oktober e lo ta pa 5 or y lo termina riba di- aranson 12 di oktober. Oracionnan di Novena lo ser resa tur dia pa un grupo di oracion di Parokia di Dakota for di 6 or (diadomingo 5 or) pa 7 or (diadomingo 6 or) prome cu Santo Eucaristía. Despues di Misa lo expone Santísimo Sacramento y lo resa oracionnan dilanti Santísimo Sacramento.

Cada dia tin un koor di un Parokia pa canta alabansa na nos Señor durante e Santo Sacrificio di Misa. E fiesta mes lo wordo celebra dia- huebs 13 di oktober, saliendo cu un procesion for riba e pleintje dilanti di Misa pasando den cayanan di Dakota, terminando bek na e me- sun luga, sigi despues pa un Santo Sacrificio Solem pa 7 or p.m.



Ainda por inscribi pa

## Plan Vacacional Playa Pabao Oktober 2010

DIRECTIVA di Centro di Bario Playa Pabao ta anuncia cu e aña aki atrobe nan ta organisa nan “plan vacacional” durante e vacacion di luna di oktober.

E actividad aki ta cuminsa dialuna 4 di oktober y lo termina diabierna 8 di oktober. E tema cu a scoge pa e plan vacacional e aña aki ta “nos bestianan” ya cu dia 4 di oktober internacionalmente ta celebra dia di bestia. E programa ta consisti di weganan recreativo, speurtocht, bistita na Parke di Bestia, un bishita den bus na e bario di San Nicolas, Community Pool y e programa ta termina cu un atardi social cu sesosport entre mayor(nan) y yiu(nan). Mayornan por inscribi nan yiu na Centro di Bario Playa Pabao tur dia, mainta di 8’or pa 12’or y atardi di 3’or pa 6’or. Lo cobra e suma di 35 florin pa mucha..

E suma di 35 florin ta encera cu tur mainta e muchanan lo recibi nan sandwich y juice. Pa motibo cu nos ta come mainta 10’or muchanan mester come algo na cas promer nan bin Centro E actividad aki ta pa muchanan di 4 aña pa 12 aña. Pa motibo organisatorio e ultimo dia pa inscribi ta diasabra 2 di oktober mainta di 9’or pa 12’or. Directiva di Centro di Bario Playa Pabao ta recorda mayornan pa inscribi nan yiu na tempo pa asina nan no tin di bay riba lista di espera.

UN informacion importante ta cu portanan durante nos “plan vacacional” ta habri mainta 8’or y pa 12.30’or pm mayornan por bin busca nan yiu. Desde awor caba Directiva di Centro di Bario Playa Pabao ta deseanan nos muchanan di Playa Pabao y di Aruba engeneral un dushi vakantie.



Cu presentacionnan unico y special.

## Concierto Dominical Donny Lacle di september tambe dushi y unico

Resenya skirbi pa Ruthy "Lady Ruth" Vrieswijk-Bergen

E conocido y talentoso cantante, un hoben adulto conosi tambe como un di e piratanan di amor Edjean Semeleer a habri e concierto dominical den Manchebo French Steak House riba e ultimo diadomingo aki den e luna di september, yamando tur presente un feliz mainta y un bon bini caluroso, mientras cu pafor awa tabata yobe suavemente. Mesora e grupo di musiconan di FDEC (Fundacion Desaroyo Educativo Comunitario) a duna nan bunita presentacion di e.o. blokfluit bao e dinamico guia di maestro Lucio Rivadeneira. Por a gosa tambe di e presentacion di Buchi Boekhoudt y canto di Robert, cu mayoria biaha ta sinta den publico su mes, pero e biaha aki a wordo invita pa presenta un dushi cancion di Padu Lampe. Despues Efraim Antonio a duna un bunita introduccion di algun di e cantantenan masculino cu lo bai ta formando parti di e programa espectacular di dianan 30 y 31 di october venidero den Cas di Cultura, hunto cu Nilka Franka den e concierto di aña "Nilka Franka & Friends in concert". Pa hopi, esaki lo ta e concierto mas comenta di e aña aki, cu un di nos artistanan cantante mas famoso cu Aruba conoce. Mas y mas teener, hobennan y hobennan adulto ta conoce e gran cantante Nilka Franka conoci pa su cancionnan romantico, pero tambe movibel, un Sra. Nechi y elegante cu semper a keda e dushi y bunita hende cu e ta. Nilka lo ta e flamante roza mey mey di tur e sumpinanan masculino guapo, cantando den duo of como solista cu acompañaemento di e banda musical fabuloso di Robert Jeandor. Despues cu Tico Quillotte y Don Ramon Krozendijk a canta algun cancion romantico cu ta pas cu e dushi "weer" aki na Aruba, Nilka mes a toca e curasonnan cu dos bunita cancion, cu su stem

inigualabel. Como un sorpresa chikito Ruthy "Lady Ruth" Vrieswijk-Bergen a recita un poema "kort maar krachtig" pa Nilka, como un muestra di aprecio, amor y amistad cu hopi tin pa Nilka. E resto di e mainta/merdia aki tabata den man di e fantastico grupo di steelpan "The New Generation" cu a laga tur e curasonnan mas inspira ainda. Y Linda cu tambe ta gusta canta, a canta un dushi cancion cu The New Generation. Algun a los e pianan un crenchi, mientras otro sinta den stoel ta move riba e ritmo dushi di e grupo di hobennan aki, cu ta marcando historia musical cu nan grupo di hopi talento. Prome cu Edjean a clausura e programa di e bunita diadomingo aki, tur presente a canta hunto "Happy Birthday" pa un juffrouw dinamico di Mon Plaisir College Sra. Nora "Noortje" Chase, un hende muher nechi semper elegante, semper cu su sonrisa riba cara. Dobbel celebracion cu su 40 aña di servicio como maestra di scol y su edad bunita di 60 cu sigur ta yena cu hopi bunita experiencia, hopi amor, hopi dushi cuenta. Concierto Donny Lacle tabata tin bishita di mas juffrouw y ex-juffrouw di Mon Plaisir e mainta aki, esta Jufr. Y vonne y Jufr. Mayra. Nos tambe a subi pista un rato y a baila un pieza cu Sr. Efraim Antonio, un di e organisadornan y motor tras di "Nilka Franka & Friends in concert", y un dushi piesz carnavalesco cu Edjean Semeleer, kende ta haciendo un tremendo trabao como maestro di ceremonia den Manchebo French Steakhouse. Tur hende a gosa y pasa bon atrobe, y di curason mi danki na un bunita pareha hopi inspira, Glenda y Eduardo, kendenan a tolera mi cu mi "papiamento di mas" y mi mesun beisnan dushi na nan mesa, hunto tambe cu e simpatico Laureen, un di nos artistanan cu ta pinta cuadranan masha masha bunita ora e tin tempo como hobby, banda di su trabao

interesante y serio cu Digicel. Aruba cu a of ta ricibiendo keto bay bendicionnan di awasero dorna cu strena y lamper aki aya, a acepta un otro bunita diadomingo di Concierto Dominical Donny Lacle di curason.



## Carchi di Pasco pa un bon causa

E temporada di Pasco y Aña Nobo ta den porta atrobe y ATHA (Asociacion Trabao di Hubentud na Aruba) tambe a start sali cu su proyecto pa e temporada aki. E asina yama "kinderpostzegels" cu antes tabata bunita stampianan di mucha y pa mucha cu tabata wordo bendi dor di alumnonan di scol, awor ta 'Carchi di Pasco'. E meta di e accion aki a keda mescos, esta recauda fondo cu ta destina pa organisacionnan miembro di ATHA cu ta traha cu mucha y hoben. E envelopnan di pedido ya caba a keda reparti na scolnan basico y algun secundario y muchanan ta pasa di cas pa cas pa sostene e proyecto aki. Naturalmente ATHA ta spera cu tur mayor, bisiña, familiar,

amistad y compania por contribui na e accion aki, mirando cu e ta pa un bon causa. E fondo recauda ta pa bai bek pa proyecto y actividad pa muchanan y tambe curso y training pa e lidernan cu ta traha cu mucha y hoben. E pinturanan di pasco y tipico di Aruba pa e aña aki a keda pinta respectivamente pa señora Lia Maldonado y Elvis Tromp. E bunita obra di man candle holder 'popch'i sneu', traha netamente na Aruba dor di señora Lia Maldonado. Por mira e pinturanan y e candle holder riba Facebook di ATHA

y [www.myspace.com/athaaruba](http://www.myspace.com/athaaruba). Pa pedido di carchi por contact ATHA na 5823773, manda un fax na 5834290



of un email na [athaaruba2009@hotmail.com](mailto:athaaruba2009@hotmail.com)

[athaaruba2009@hotmail.com](mailto:athaaruba2009@hotmail.com). Ban sostene ATHA pa nos sostene hubentud di Aruba.



## Homber envolvi den un pelea banda di Circle K a ricibi un hinca den pecho



DIASABRA madruga a drenta informe di cu tin un hende benta abao riba vloer den Boliviastraat cu un herida di hinca, a dirigi tanto polis como ambulans na e sitio. Na yegada di e patruya policial a constata cu tin un homber habla spaño benta abao sangrando y cu un herida di hinca den pecho banda drechi, e agentenan a solicita e

ambulans cu mas urgencia na e sitio. Na yegada di e ambulans a atende e victima y a transporte cu urgencia pa hospital. Investigacion haci a indica cu un rato prome tabata tin un pelea banda di Circle K pero ora polis a pasa eybanda no a encontra ningun pelea. Un rato despues a drenta e informe di e caso di hincamento aki. Segun testigonan na e sitio

e homber ey a cana bin pabao y a bay cay net tras di un auto staciona. Ademas e homber aki tabata tin den su man un sixpack cu 4 cerbes aden.

## Cu ayudo di comunidad polis por logra captura ladronnan

DIASABRA madruga a drenta informe cu lo tin 2 sospechoso cu lo ta kitando wiel di un auto, a dirigi polis na e sitio. Na yegada nan ta bin haya 2 sospechoso cu tabata los wiel di un auto staciona dilanti ex Señor Frogs den Weststraat, polis a detene e sospechosonan y a transporta nan pa warda di polis. A bin resulta cu un amigo a wak con 2 sospechoso tabata los e wiel di e auto di su amiga y a yama polis. Polis a logra capturanan.



## Na Casa del Mar security atento a sa di core cu ladronnan di auto



DIASABRA madruga a drenta informe di cu ladronnan a kibra e glas di e bentanan di choller pa asina logra drenta y horta y bay cune posiblemente pa dismantela. Pero na e momentonan ey tabata tin guardia di seguridad atento cu a vigila full e area y a nota e ladronnan. A dirigi un polis na e sitio, na yegada di e patruya policial a constata cu e sospechosonan a bay pero nan a logra di huy bay lagando nan celular atras. Nan a logra mira e number di auto cu nan ta core cune y a duna polis.



## Grupo di hoben a lanta y bringa contra un ciudadano adulto cu a haci un chansa

DIADOMINGO mainta a drenta informe di cu na 24store na Paradera tin un grupo di hoben a lanta y bringa contra un adulto, a dirigi un patruya na e sitio. Na yegada a bin compronde cu pa motibo di un chansa un grupo di hoben a lanta y a bringa contra un adulto despues di cu esaki a haci un chansa, pero ya caba e hobennan a bay for di e sitio. Mas despues e adulto a ripara cu e hobennan a destrui su windshield di auto.

